


B. N. C.
FIRENZE
1165
14



A

1847



WILHELMO ERNESTI TENTZELII
EPISTOLA
AD AMICVM,
Q^{ua}
RESPONSIO
AD
CLARISSIMI VIRI
EMANUELIS A SCHELSTRATE
DISSERTATIONEM APOLOGETICAM
DE
DISCIPLINA
ARCANI
SYMMATIM CONTINETVR.

GOTHE
LITTERIS CHRISTOPHORI REYHERI.
M. DC. LXXXVII.



VIR CLARISSIME,

Sciscitaris ex me, quæ causæ sint, quod nihil hætenus respondi dederim ad Dissertationem Apologeticam a Celebratissimo Bibliothecæ Vaticanæ Præfesto ante triennium fere aduersus me Romæ editam. Equidem ex quo ea nundinis Lipsiensium auctumnalibus anni octogesi quinti primum ad manus nostras peruenit, magno mihi honori duxi, tantum virum responsione sua me dignatum esse; statimque in chartam conicere cæpi, quæ ad defensionem sententiæ meæ faciebant, nihil magis in votis habens, quam ut propediem luce publica fruerentur. Sed præter spem opinionemque tantam expertus sum Bibliopolarum duritiem, ut neminem hætenus ad sumtus faciendos exorare potuerim: quod tibi quidem, aliisque morum nostratum librariorum gnaris, mirum haud videbitur; mihi vero occasionem suppeditauit, summa Animadversionum mearum (hic quippe titulus libri est) capita orbis litterati notitiæ iudicioque exponere.

Postquam initio *Animadversionum in præfationem Schelstratii* commemorati, quemadmodum in notitiâ apologiæ eius per monita amicorū ex Papebrochii, Magliabechii, ipsiusq; Schelstratii litteris deuenerim, ac modestiam eius laudauim, statim quæstionis circa obiectum tempusq; introductæ in Ecclesiæ arcani disciplinæ versari doceo, quam Schelstratius quidem a Christo & Apostolis institutam ritus pariter ac dogmata comprehendisse vult; ego autem secundo demum sculo labente receptam symbola tantum ritusque occultasse contendo. Subjicio nonnulla de Natalis Alexandri Historia Ecclesiastica Romæ eodem tempore flammis adiudicata & sub maioris excommunicationis pœna prohibita, quo Schelstratius aduersus me scripsit, iisdemque cum Natali argumentis Apostolicam disciplinæ arcani antiquitatem propugnare conatus est. Porro quoniam existimat, me ipsius fore perpetuum ad-

versa.

versarium, id mihi quidem in mentem nunquam venisse contestor, gratissimum tamen fore, si posthac eruenda veritatis causa mecum sepius congregari voluerit. Neque cogitare debet, me circa argumenta versaturum, quæ vltiore expositionem non mereantur. Falso enim sibi persuadet, eiusmodi esse alteram Dissertationem meam de Constantini Baptismo; quum non paucos noverim eruditos, qui libenter defensionem testimoniorum pro Baptismo Constantini Romano audirent; & Papebrochius tomo quinto Maii nostram de vnico Constantini Baptismo Nicomedienſi sententiam non tantum probat, sed alteram quoque de duplici, Romano & Nicomedienſi, quæ Schelſtratio arridet, adeo averſatur, vt in dedicatione profiteri non dubitauerit, Constantinum *ab ea calumnia vindicandum esse, qua dicitur & tenetur a multis in Arianismum deflexisse sub vite exitum, & heretico ritu baptizatus vel (quod turpius) rebaptizatus fuisse.* Schelſtratus quidem cum aliis argumentis a me ibi confutatis innicitur, tum verbis quibusdam in Hieronymi Chronico exstantibus, quæ a mala manu inserta esse dixeram, Moguntinorum Theologorum ſuſſragio & communi eruditorum opinione de Chronico illo maxime interpolato nixus. Sed vir ille insignis Moguntinos ſilentio inuoluens communem Codicum consensum mihi obijcit; quem tamen universalem non esse prolatis in medium Pontaci ac Papebrochii verbis doceo, & Prosperi locum non minus de interpolatione suspectum reddo, quod nemo Prosperum tantæ infelicitæ reum postulauerit, vt Constantinum alio anno Nicomedie baptizatum, alio mortuum dixerit. Denique meam verborum Hieronymi interpretationem tam ex legibus hermeneuticis, quam ex historia illorum temporum defendo, ex qua ſcimus, viuentē adhuc Constantino discordiam rapinasque Ecclesiarum exarsisse.

Sectione prima Animaduersionum, quæ capiti primo Apologiæ Schelſtratiæ respondet, breuiter de Actis Orientalis Ecclesiæ aduersus Lutherum, quæ editurus est Schelſtratus, ago, & cum ea ad defensionē Allatii facere videantur, multis Pontificiorum studium huius viri concordie perpetuæ monstrandæ insuntum displicuisse moneo, & Pontificis quidem de consen-

su gloriantibus maxime aduersari, quod in controuersis non paucis Orientales nobiscum contra illos sentiant, nobis autem nullum ex differentia negotium creari, qui nihil admittamus, quod siue in Oriente siue in Occidente contra scripturarum diuinarum auctoritatem hodie receptum est. Porro in ipso statim limine impiegit Schelstratus, quando male sibi a me imputari existimauit, disciplinam arcani ad fideles pariter ac infideles sese extendisse, quam coram solis Iudæis, Ethnicis & Catechumenis observatam fuisse ejus ferat sententia. Ostendo itaque, Schelstratium non posse non arcani disciplinam ad fideles quoque simpliciores extendere, quamdiu ex ejusdem præscripto dogmata etiam occultata fuisse censet. Propterea secunda sectione prolixè ago de more dogmata occultandi, & quomodo differat a disciplina arcani, clarissime indico. Sed in prima adhuc noto, Schelstratium vocabulo *mysterii* utri non debuisse, quippe admodum generali, quod ad disciplinam arcani applicatum nihil mysteriorum Christianæ religionis infidelibus proponi permetteret, reclamante Apostolorum Patrumq; praxi. Nec veritati congruere, quod censet, in tractatibus Patrum contra Gentiles obscuriora de Eucharistia reperiri testimonia; Origenem enim ab ipso allegatum Lib. IIX. aduersus Celsum eam adeo clare describere, ut Petrus de Marca inter realis præsentis adsertores tertio loco ipsum collocauerit. Arnobium autem huc referendum non esse, qui libros aduersus Gentes scribens adhuc Catechumenus existerit, adeoque ex hypothesi Schelstratiana nec dogma nec ritus Eucharistis cognouerit. Denique loca Cyrilli Hierosolymitani, Palladii, & aliorum mihi haud obesse, qui libenter concedo, disciplinam arcani dogmata non occultantem ad solos non-initiatos pertinuisse.

Secunda animaduersionum sectione, quæ capiti secundæ Apologiæ Schelstratiænæ respondet, *num. i.* more antiquorum Patrum explicare adgredior, quo idiotas quidem plebeiosq; fideles de absconditis Christianæ religionis mysteriis clare ac perspicue informabant, cum perfectioribus autem subtilius maioriq; *arsibus* procedebant. Hunc postquam ex Origene
Com-

Commentatore in Epistolas Pauli sub Ambrosii nomine latente, & Augustino probatum dedi; & *num. 2.* Melchioris Zeidleri ac Dionysii Petavii suffragiis confirmavi, discrimen *δογματων* & *κρηγμάτων* inde ortum *num. 3.* expono, locumque Basilii id inculcantis non ad disciplinam arcani pertinere, quod vult Schelstratus, inde inprimis probo, quod Basilii inter arcana *δογματα* refert precationem versus Orientem, signum crucis, genuflexionem, quorum nihil apud non-initiatos gentilesve occultabatur; deinde Basilii arcana *δογματα* ad fideles etiam idiotas sese extendunt, quum disciplina arcani ad infideles tantummodo & Catechumenos spectarit. Ad *κρηγματα* autem Irenæus lib. 1. aduersus hæreses cap. 11. & 111. substantialia mysterii Trinitatis refert, adeoque id publice prædicari statuit, quod tamen Schelstratus ad disciplinam arcani refert. Subtilior autem mysterii huius tractatio est, quam coram Clero suo instituit Alexander, Episcopus Alexandrinus, apud Socratem lib. 1. cap. v. Ex eodem fonte prognata est differentia inter *συγκατάβασις* & *δογματισμός*, quam *num. 4.* Christi & Pauli exemplis declaro, & Apostoli præsertim dicta Act. xvii. & 1. Corinth. iii. ac Ebr. v. expendo, & Origenis, Clementis Alexandrini, Iobii Monachi & Oecumenii interpretationes subiungo, qui in eo omnes conueniunt, ut ad fideles imperfectiores hæc, ad perfectiores autem solidus cibus faciat. *Num. 5.* obseruo, nonnullos postea Ecclesie Doctores longius progressos alia etiam dogmata obscurare cepisse, quæ Christus & Apostoli coram vulgo entunciant, & ex aduerso quædam omnibus exponere & servanda obtrudere, quæ illi sub discrimine & perfectioribus tantum præscripserant. Sic continentiam promiscue a fidelibus exigebat Pinyrus apud Eusebium: Synesius autem de iteritu mundi & resurrectione aliter apud populum fermocinari, aliter philosophari volebat. Ex his omnibus rationem occultandi dogmata ab arcani disciplina diuersam esse colligo quatuor modis, quos nunc verbis in ipso opere *num. 7.* adhibitis describere operæ pretium puto: Differunt enim ratione obiecti tam realis, quam personalis. Hæc circa ritus & Symbola sacramentorum duntaxat versabatur: illa quodlibet

fidei mysterium doctrinaeque caput ambitu suo comprehendebat. Hæc Catechumenos, Iudæos, Ethnicosque respiciebat: illa promiscuum vulgus & idiotas, adeoque ipsos etiam Christianos simpliciores & rudiores. Deinde differunt ratione modi, qui plane contrarius est. Arcani disciplina multas verborum ambages secum trahebat, quibus in præsentia Catechumenorum & infidelium ritus sacramentorum obtegendis veniebant: sed ex aduerso dogmatum occultatio eiusmodi inuoluta plane respuebat, & quoniam ad omnia fidei mysteria sese extendebat, simplici, plano, apertoque sermone rudi populo ea instillabat. Porro differunt ratione subiecti. Nam disciplina arcani Orthodoxis erat propria, nec à plerisque hæreticis observabatur, fatente Schelstratio: dogmatum vero occultatio utrisque erat communis, quanquam hæretici excusari nequeunt, quod pessimas impiasque doctrinas tegebant. Differunt denique ratione finis. Etenim occulta dogmatum traditio homines ex fæce vulgi simpliciores removebat à tractatione subtiliori, quæ captum eorum superabat, & difficultatem potius in salutis negotio ipsis creabat. At arcani disciplina maius in Catechumenis desiderium generabat, ut ritus tandem & Symbola Sacramentorum tantopere hætenus occultata introspecerent, & Baptismo Cœnaque Domini fruerentur.

Sed cum Schelstratius de Trinitatis mysterio sigillatim controuersiam mouet, idque ad arcani disciplinam refert; tum modum in eo explicando ab Ecclesiæ Doctoribus obseruatum describo, & *num. 7.* triplicem auditorum classem distinguo, vel baptizatorum, vel infidelium, Iudæorum nempe & gentilium, vel Catechumenorum. In prima classe cum eruditi & plebei occurrant, subtilius coram illis, simplicius coram hisce mysterium illud tractatum fuisse extra dubium pono, variaque exempla profero, inprimis Polycarpi Conciones Catecheticas, cuiusmodi extant apud Pionium in vita ejus, quam Halloixius & Bollandus ediderunt. In secunda classe Iudæis hoc mysterium propositum esse concedit Schelstratius; quare de gentilibus tantum manet controuersia: pro qua decidenda *num. 8.* obferuo, methodo paullo diuersa a Doctoribus Christianis religio-

4

gionem iis vel instillatam vel apud eos defensam. In fide
1. stillanda a iter plebeios, aliter eruditos Ethnicos docuisse vi-
dentur. Nam coram promiscua multitudine, cuius maior
pars ex plebe constabat, captui eorum sese accommodabant, &
Pauli Apostoli apud Athenienses concionantis exemplo de my-
sterio illo tacebant, ne viderentur πολυθίστης Gentilium mu-
tatis saltem nominibus introducere; quorsum pertinet Am-
brosii locus ex Commentario in caput ix. Lucæ a Schellstratio
allegatus. Quoniam vero Gentilium nulli prohibitum erat,
publicis Christianorum concionibus interesse, in quibus Tri-
nitatis mysterium sæpe exponebant Doctores, calumnia hinc
orta est Tritheismi Christianorum, quam Athanasius Orat. IV.
contra Arianos refellit. Si vero in eruditis Ethnicis docen-
dis occuparentur, aliam συγκαταβάσις speciem adhibebant, a
Petauio Prolegomenis in tomum II. Dogmatum Theologicorum
cap. III. prolixè expositam, vt Christianum istud mysterium ad
Platonis decreta conformarent. Porro cum constet, Ortho-
doxæ doctrinæ vindices cum Arianis aliisque hæreticis coram
iudicibus ethnicis de hoc mysterio disputasse, tum concludo,
aut magnæ imprudentiæ priscos Ecclesiæ doctores insimulan-
dos, aut Trinitatis mysterium paganis olim non fuisse plane
occurratum. Exemplum profero disputationis Hosii Cordu-
bensis & Gregorii Eliberitani coram Clementino Vicario Hi-
spaniæ, a Marcellino & Faustino in libello precum descriptum,
quos cum Athanasio de Hosii morte conciliare studeo, & de
conflictu illo ex epistola Eusebii Vercellensis ad ipsum Grego-
rium in fragmentis Hilarii seruata fidem facio. Addo verba
Baronii de alijs ejusmodi disputationibus, & Origenis contra
quinque hæreticos conflictum allego, in cuius fine Eutropius
Iudex ac Philosophus gentilis præclaram Trinitatis confessio-
nem edit, optoque vt integra Archelai cum Manete coram
quatuor iudicibus ethnicis disputatio exstet, cuius tantum
fragmenta apud Epiphanium residua sunt. Denique obseruo
discrimen notabile, quo disceptare quidem Christianis coram
ethnicis licuit de mysterio Trinitatis, non autem de rebus ad
Eucharistiæ symbola ritusque spectantibus. Hoc enim cum ali-
quan-

quando auderent Ariani, grauiter reprehensi sunt a Iulio Papa & Synodo Alexandrina. Quod si autem eadem fuisset vtriusque mysterii occultandi ratio, quemadmodum Schelstratius autumat, Ariani & Orthodoxi de Trinitate coram Ethnicis disputantes non minorem animaduersionem incurrissent. Sic Dionysius Areopagita cum Sociis suis nobilem Trinitatis Confessionem coram iudicibus ethnicis edidisse perhibetur a Methodio Constantinopolitano. Laudat Schelstratius infra Blandinam & Bibliadem, quod disciplinam arcani observantes mysterium Eucharistiæ prodere noluerint. Aut igitur Dionysium & Orthodoxos illos Arianorum impugnatores productionis & violatæ disciplinæ accuset, aufateatur potius, diuersam methodum in utroque mysterio tradendo veterem Ecclesiam tenuisse, nec mysterium Trinitatis ex disciplinæ arcani præscripto gentilibus occultasse. Num. 9. de tertia classe discipulo, quæ Catechumenorum, non ex Iudæis, sed gentilibus, nec Competentium, sed imperfectiorum est. His vt Trinitatis notitiam haud derogatam fuisse commonstrem, Augustini diuersam in instituendis Catechumenis, e plebeiorum, eruditiorum, & Rhetorum ordine, methodum, libro de catechizandis rudibus descriptam, explico. Quod plebeios attinet, mysterium hoc illos non potuisse plane ignorare, vel inde liquet, quia Augustinus eos ad lectionem sacrarum scripturarum, quibus notitiam Trinitatis clavis & perspicuis verbis contineri Schelstratius sponte faterur, exhortari vult. Deinde Athanasius in fragmento epistolæ festiualis inter alios libros τοῖς ἀρτί προσερχομένοις καὶ βυλομένοις κατηχῆσθαι τὸν τῆς ἐνσιβείας λόγον, i. e. Catechumenis imperfectioribus speciatim commendari ad legendum solitos numerat τὸν ποιμένα siue Pastorem, quem Schelstratius ab Herma Pauli Apostoli discipulo conscriptum censet, & in quo doctrinam Trinitatis non obscuris lineamentis expressam esse Petauius contendit in præfatione allegata cap. II. Quando igitur librum istum legebant rudiores Catechumeni, non poterant non aliquam Trinitatis ideam animo concipere. Hanc deinde confirmabat Doctorem Christianorum diligens informatio, quam Lucianus etiam, aut si quis

quis alius auctor est, imitatur ac irridet in Dialogo Philopatris; cujus testimonium eo magis notandum est, quod Triephton Catechetæ Christiani personam ibi sustinens Pauli discipulum se facit, ut Apostolicam istam fuisse consuetudinem constet; quam Polycarpi Conciones Catecheticae supra allegatae & Philippi Eunuchum Æthiopem Catechizantis exemplum amplius confirmant. Præterea, quis credat, Catechumenos ignorasse Trinitatis mysterium, qui nouerit, eos interfuisse sermonibus Doctorum, quos in Ecclesia ad Populum faciebant, nec istud silentio inuoluiebant? Imo in Ecclesia Alexandrina peculiaris viguit ritus a Socrate adnotatus, Catechumenos publicæ sacrarum litterarum lectioni cantuique sacro præficiendi: quotus autem quisque nescit, tam in diuinis codicibus, quam in veterum hymnis Trinitatem celebrari? Atqui indubium est, Catechumenos, antequam in perfectiorem Comperentium classem referrentur, Lectorum Cantorumque ordini Alexandriæ fuisse adscriptos. Ecquomodo igitur iis, quamdiu in primo audientium gradu erant, mysterium illud traditum non fuerit? Et cum aliquis opinari possit, in sacros illos ordines non Catechumenos e vulgo, sed ex eruditis fuisse allecotos, morem doctos Catechumenos informandi ex Augustino indico, qui non solum *supereminentiore via* cum illis agi vult, sed multa quoque religionis Christianæ capita eosdem cognita habere præsupponit: inter quæ cum dogma Trinitatis haud postremum sit, incredibile est, nihil de eo eruditum percepisse, qui Scripturam sacram & Doctorum Ecclesiasticorum libros sæpissime de hoc mysterio agentes legerat, quod Catechumenum suum consueuisse Augustinus obseruat. Idem confirmatur exemplo duorum eruditorum Catechumenorum, Honorati & Casarii, quorum neutri mysterium istud ignotum fuisse probo; illi quidem ex Augustini epistola cxx. qui in Honorato Trinitatis notitiam supponit, & ne quaternitatem in diuinis propter incarnationem cogitet, sollicite cauet; huic vero ex Gregorii Nazianzeni oratione funebri in laudem Casarii ipsius, fratris sui, dicta; & ex quaestionibus eiusdem hominem residuis, quanquam non uno in loco interpolatis, in

quibus multa occurrunt ad mysterium Trinitatis illustrandum vindicandumque pertinentia. Denique tertium scrutor Catechumenorum genus, quod Augustinus ex Grammaticorum Oratorumque scholis deriuat, & inquiero, num eiusmodi etiam hominibus in primo adhuc audientium gradu constitutis Trinitatis mysterium propositum fuerit? Nec vereor adfirmatiue respondere propter illustre Arnobii Rhetoris Afri exemplum, qui imperfectior adhuc Catechumenus existens libros septem aduersus nationes scripsit, ut ex Hieronymi Chronico notum est, inque iis *aperiam & omnibus numeris expletam Trinitatis confessionem* edidit, obseruante admirabundo Petauio cap. vi. citata præfationis. Tot tantisque argumentis subiicio *num. 10.* Perronii verba ab Albertino pag. 405. allegata, qui diserte fatetur, Catechumenos de Trinitate quotidie fuisse informatos.

Ne autem quidquam dubii remaneat, Schellstratii argumenta *num. 11.* perfringo, mirorque, Pseudo-Clementis recognitiones eum in fronte collocare, inque iis mores Apostolicos contineri persuasum habere. Cum tamen Bellarminus, Mendoza, Sixtus Senensis, & Alexander disputationes illas ex intima Platonis Philosophia depromtas S. Petri non esse uiam nimirum statuunt. Posita autem hac sententia, utique verissima, consequitur, ea etiam de *principali summa diuinitatis intelligentia* apud imperitam multitudinem occultanda, quæ Schellstratius profert, ad Platonicz Philosophiæ normam esse interpretanda. Atenim uero notum est Platonis in Timæo monitum, quod periculo non careat, vera de rebus diuinis apud vulgus disserere; Nec minus constat, Platonem Dei unitatem occultasse, ne simile Socratis supplicium subire cogeretur, quod ex Iustini Martyris Parnesi ad Græcos confirmo. Pseudo-Clemens igitur in verbis a Schellstratio allegatis intelligendus est de occultatione Platonica, quæ tamen non personarum Trinitatem, ad quam a Schellstratio trahitur, sed essentiæ unitatem celandam præscripsit; plane contra morem praxinque Apostolorum, qui nihil magis quam Dei unitatem inculcare soliti sunt, quemadmodum liber actuum Apostolicorum docet. Sed ego amplius progredior, & veteris Ecclesiæ fini-

sinistram de Recognitionibus illis iudicium variarumque hæreseon vestigia ibi occurrentia alius repetens, quendam Basilidis ac Bardesanis discipulum sub venerando Clementis schemate latere suspicor. Veteres enim hæretici vt doctrinæ suæ fundamentum, ita & occultationem a Platone sumserunt, & mystica sua principia profanum vulgus celarunt; imo Basilides eam in rem Christi verba de sancto canibus non dando adhibuit, eodem modo, eodemque sensu, quo Petrus apud Pseudo-Clementem ea applicare fingitur. Sic apud eundem *principalis summe diuinitatis intelligentia* monstrosum quid portendere, & τὰν ἀρχῶν ἰνείων, quam crepare Valentiniani solebant, sapere videtur; quod expeditius cognoscere possemus, si Græcus textus supereliet, cum Rusino interpreti solenne fuerit, ea rescicare aut interpolare, quæ vel Orthodoxæ religioni, vel suæ saltem opinioni repugnarent. Ac quoniam Bardesanes apud Epiphanium plures *ἀρχαί* siue principia Valentinianis addidisse traditur, sententia mea fert, Bardesaniæ alicuius Spiritum in verbis illis elucere. Quæ multo magis inde confirmatur, quia plurima ex Bardesanis Dialogo inserta sunt nono Recognitionum libro, quod iamtum Sixtus Senensis obsarauit. Cum enim prolixum Bardesanis fragmentum exstet apud Eusebium Lib. vi. Præparationis Euangelicæ cap. ix. operæ pretium duxi, id cum Recognitionibus conferre. Quo factò insignem Bardesaniæ fraudem deprehendi, qui Præceptoris sui verba ita immutavit, vt Apostolicum virum referre videatur, & multa de Christo, Petro & Thoma admiscuit, de quibus Bardesanes nullum verbum edixit. Nunquam itaque me adduci patiar, ut credam, platonicas & hæreticas sententias Apostolicis congruere. De cætero fatetur Schellstratius, Apostolos de indiuidua Trinitate clavis & perspicuis verbis egisse in epistolis suis & sermonibus, sed coram gentilibus id factum negat. Ego autem adfirmo, & ex praxi Apostolica probolum. 12. Lectio nempe epistolarum & aliorum scriptorum Apostolicorum vel publica erat, vel priuata. Publicam ipsi Apostoli instituerunt, nec ab ea auscultanda gentiles vnquam prohibiti fuerunt; Vnde manifestum est, eos doctrinam de Trinitate ex scriptura audire potuisse. Priuata quoque lectio

iis permiffa fuit, vt infra pluribus oftendam, quam instituentes hoc myfterium non poterant plane ignorare. Sermones autem Apoftolici vel ad gentiles *πολυθώη* *Θ*. Iuto adhuc immerfos, vel veritati agnoscendæ animum adplicantē dirigebantur. Apud priores prudenti *συγκατάβασι* utebantur Apoftoli, & vnitatem, non Trinitatem Dei prædicabant, vt apud Lyfrenfes, Athenienfes & Felicem, quorum exempla Schelstratius obiecit. Sed apud posteriores tantam *συγκατάβασι* non adhibebant; quales erant, qui in Synagogis cum Iudæis conueniebant. Cum autem agnoscat Schelstratius, Apoftolos passim in Synagogis prædicasse fidem in Christum vnigenitum æterni Patris Filium, non potest negare, eandem prædicationem gentilibus simul ibi congregatis impertitam fuisse, vt Antiochiæ, Iconii, & aliis locis in Actibus Apoftolicis commemoratis. Verba Paulli de lacte solidoque cibo ad disciplinam arcani non facere multis rationibus in Dissertatione mea ostendi, quas nondum soluit Schelstratius. Clementis vero Alexandrini locum frustra repetiit, quem ibidem explicatum dederam. Et quanquam concessi, Clementem de dogmatum occultatione agere, cum tamen ea secundum superius demonstrata a disciplina arcani diuersissima sit, nihil inde præsidii Schelstratio accedit; cui potius maxime aduersatur, quod ipse Clemens in Protreptico ad gentes & Trinitatis & diuinitatis Christi clarissimam facit mentionem, obseruante etiam Petauio Lib. i. de Trinitate cap. iv. Ambrosii locum a Schelstratio obiectum *num. 13.* expendo, nullatenus negans, Paulum apud Athenienfes subtraxisse Trinitatem; hanc autem *συγκατάβασι* ad disciplinam arcani referre vtriusque discrimen supra notatum omnino vetat. Quæ vero de Catechumenis addit Ambrosius, non tam ad Competentes, vt vult Schelstratius, quam ad Audientes pertinere, ex loquendi usu apud Ambrosium cæterosque Latinæ Ecclesiæ scriptores recepto euinco, quibus Catechumenus idem est, ac in primo gradu consistens. qui alio nomine *audiens* vocabatur. Adeoque Ambrosii testimonium sententiam meam, de Trinitatis mysterio Catechumenis imperfectioribus non occultato, potius firmat, quam infringit.

Cæ-

Cætera, quæ de Symbolo Catechumenis occultato adiicit vir
 doctus, nihil plane ad occultationem mysterii Trinitatis face-
 re ostendo *num. 14.* Nam si Schellstratii valeret opinio, nulla
 dari potest ratio, quare cætera symboli mysteria, incarnatio-
 nis, resurrectionis &c. ab infidelium Catechumenorumque au-
 ribus non æque prohibuissent; quæ tamen Apostoli & Patres
 disertissime prædicarunt, fatente Schellstratio ex Origene ad-
 versus Celsum; Et quanquam hic Trinitatis mysterium ex-
 presse non addidit, ridiculum tamen foret, omnia Christianæ
 religionis dogmata occultata fuisse contendere, quæ ibi non
 nominat Origenes. Præterea Sozomenus Nicanum Symbolum
 non ea de causâ Historiæ sive inferere noluit, quod Trinitatis
 confessionem contineret, sed quoniam illud tanquam tessera
 Christianismi in Baptismo recitabatur, adeoque ad Baptismi
 ritus spectabat, qui apud non initiatos ex disciplina arcani ab-
 scondendi erant. Nam ipse Sozomenus dogma de *εὐνοία* Pa-
 tris & Filii Lectoribus suis propinat; eodemque modo Chry-
 sostomus homil. *LXXVIII.* in Ioannem, quanquam Baptismi for-
 mulam obscurius etiam commemorat, apertissime tamen do-
 ctrinam Trinitatis insinuat. Explicationem verborum Na-
 zianzeni a Casaubono suppeditatam *num. 15.* vindico, & integro
 Nazianzeni loco descripto doceo, ipsi non de infidelibus aut
 baptizandis, sed de baptizatis nondum satis fundatis, & a Ma-
 cedonio seductis, sermonem esse; qui alioqui Oratione *xxxvii.*
xlii. & in aliis coram initiatis pariter ac non-initiatis publice
 habitis mysterium Trinitatis celebrauit. Deinde Philothei
 testimonium apud Schellstratium nescio quo casu consiliove
baptismi vocabulo ad verum eius sensum maxime necessario
 truncatum ex Casaubono restituo, & ex Nazianzeni Oratione
xxxii. sumtum esse moneo, idque non de mysterio Trinitatis,
 sed de formula symboloque Baptismi occultato intelligendum
 esse significo. Denique Cyrillum Hierosolymitanum ex seipso
 interpreto, eumque ad *συγκατάβασις* Apostolicam, quam ab
 arcani disciplina antea pluribus distinxit, respicere, adeoque
 Schellstratio non patrocinari contendo.

Septem Sacramenta ad disciplinam arcani refert Schel-

stratius : cui Augustini disertissima verba' *num. 16.* oppono' ex
Commentario in Psalmum ciii. *Quid est, quod occultum est, & non
publicum in Ecclesia? Sacramentum Baptismi, Sacramentum Eucha-
ristie. Opera nostra bona vident & pagani, Sacramenta vero occul-
tantur illis.* Hunc ego sequutus proprium disciplinæ arcani
obiectum duo tantum noui fœderis Sacramenta, Baptisum &
Eucharistiam constituo, & quæ de cæteris Schelstratius attulit,
refuto. Neque enim debuit præsidii quidquam collocare in
iis Patrum testimoniis, quæ *Myſteria & Sacramenta* occultari vo-
lunt; quum nemo nesciat, in plurali numero etiam de duo-
bus tantum sermones institui. Confirmationem ad arcani di-
sciplinam pertinuisse *num. 17.* lubens largior, non tamen tan-
quam peculiare Sacramentum, quia veteres eam pro parte &
complemento ceremoniarum baptismalium habuerunt. Nec
obstat, quod iidem Sacramenti vocem latius nonnunquam ex-
tenderint; quod si enim omnia ad arcani disciplinam referre
velis, quæ illi Sacramenta & myſteria vocarunt, nullum fere
abstrusum dogma, nullus prope ritus eximendus erit. Quod
vero ordinationis ritum veteres clam habuerunt, propter ana-
logiam rituum baptismalium & Eucharisticorum factum est;
siquidem propter eandem etiam a conspectu rituum quorun-
dam exequialium non initiati prohibebantur. Sicut autem
ritus exequiarum Sacramentis suis non accenset Schelstratius,
ita nec nostris ordinationem adiungi patiemur. Par ratio
est Pœnitentiæ, de qua occultanda nihil statuit Innocentius a
Schelstratio allegatus. Apostoli autem & Patres nec dogma,
nec ritus eius coram non-initiatis occultarunt; quod de illis
ex scriptis eorum nemini ignotum est: de his vero duplici pro-
batur argumento, tum quod Catechumenis legendum dede-
runt Hermæ Pastorem, in quo pœnitentiæ doctrina latissime
traditur; tum quod gentiles sacerdotis genitalia Christianos
colere fingebant, quia pœnitentes coram Antistite in genua
procumbentes viderant, fatentibus Albaspinæo & Card. Bona.
Extrema denique vñctio modernorum Latinorum ad discipli-
nam arcani plane non pertinet. Nullum quippe eius occur-
rit vestigium in scriptis veterum, qui iis sæculis floruerunt,
quo-

quorum decursu arcani disciplina in Ecclesia Latina viguit atque abolita est. Schellstratius quidem contrarium probare conatur, se largumentis admodum infirmis. Basilius enim non ad extremam vñctionem n^{ra}, sed confirmationem Baptismo connexam respicit. Augustinus autem, cum ait, *quedam* (Sacramenta) ore accipimus, *quedam* per totum corpus accipimus; uti priori commate vnum tantum Eucharistiae Sacramentum innuit, non dissidente Schellstratio, ita posteriori non nisi vnum Baptismi Sacramentum intelligere merito censetur: & quemadmodum de Eucharistia propterea in plurali numero loquitur, quia ex duabus speciebus, corpore & sanguine Christi conficitur; sic de Baptismo etiam pluralem adhibet, quoniam trina immersione totius corporis in aquam constabat. Hieronymi locus nihil huc facit, qui diserte agit de vñctione non spiritali siue mystica, sed corporali & communi eorum, qui in palaestris certabant. Iacobus Apostolus de miraculosa vñctione, qua unctus sanitatem recuperabat, ab antiquioribus & melioribus interpretibus explicatur: eandemque intelligit Innocentius I. docente prolixè Dallæo Lib. II. de extrema vñctione cap. IX. Quanquam igitur concedo, in primitiua Ecclesia fuisse aliquam infirmorum vñctionem, ea tamen a moderna Latinarum toto cœlo diuersa fuit, & quod caput controversiæ est inter me & Schellstratium, a gentilium conspectu minime prohibita, sed illis potius ipsis impertita, ut docet exemplum Proculi Christiani Seuerum per oleum curantis apud Tertullianum lib. ad Scapulam cap. IV. Nec desunt eruditi, qui cum Gerardo Ioanne Vossio existimant, Christianorum presbyteros in epistola Adriani Imp. ad Seruanum vocari *aluptus*, quia ut iatroplitæ inungebant agros, ita & Christiani Sacerdotes. Rogo autem Schellstratium *num. 18.* ut indicet, quamobrem matrimonium plane omiserit, quod omnino addendum erat, siquidem septenarium Sacramentorum numerum sartum testumque haberi cupit. Nisi forte animaduertit, id ad arcani disciplinam minime pertinere. Certe Catechumeni etiam matrimonia contraxerunt, quibus benedictionem sacerdotalem denegatam fuisse nemo crederet. Hac autem concessa cur ceteros ritus occultatos dicamus? Ter-

Tertia animaduersionum sectione, quæ tertio Apologiæ Schelstratiæ capiti respondet, præcipuum controuersia caput adgredior, quo Schelstratius per disciplinam arcani & ritus & dogmata, ego autem non dogmata, sed ritus tantum & symbola sacramentorum occultata fuisse contendo. Quid singulis hujus sectionis paragraphis contineatur, præfixis numeris breuiter edisseram. I. Gratis placita sua de Pauli lacte reperit Schelstratius, quum in confesso sit, simplicem non obscurum docendi modum siue Catechesin, ut ipse clemens Alexandrinus vocat, per lac ab Apostolo intelligi, eumque a disciplina arcani manifeste differre, cum hæc verborum inuolucra requirat, quæ ille plane respuit. Imo Paullus Corinthios lactis tantum capaces adhuc pronuncians, eucharistiæ tamen mysterium clarissime exponit; & ad Ebræos rationem lactis tradens primam Catechesin inter alia a Baptismo & manuum impositione sumi ostendit, unde patet, ab Apostolis disciplinam arcani haud obseruatam esse. II. Origenis locum frustra inculcat, qui plane poster est, & quæ præcedenti Sectione ex Basilio diduximus, luculenter confirmat. Neque enim distinguit inter *κρυπτα* & dogma, & imperitam plebis multitudinem ab altiori cognitione excludit. Sicut autem Basilium disciplinam arcani non respicere ibidem ostendi, ita nec Origenes de ea agere censi debet. III. Arnobius apertam Trinitatis confessionem edidit, laudante adeoque Schelstratii adsertis contrariante Petauio; & dogma Baptismi sciuit, verbis: *Feritate atque inhumanitate depositis, resumant ingenia mitiora*, Heraldointerprete, *regenerationem per Baptismum significans*. Nec Eucharistiam plane ignorauit, quæ Schelstratii est sententia. Cum enim ad mores formulasque ethnicorum respicere soleat, tum hoc loco, obseruante optime Herald, verba, *illud quod dabitur*, a gentium mysteriis transtulit. Quia vero utpote Catechumenus vi disciplinæ arcani ignorauit symbola externa Eucharistiæ, quanquam ex publicis Doëtorum Christianorum sermonibus haud dubie nouerat, corpus & sanguinem Christi ibi dari, & accipi, satis habuit indicasse, *dari* aliquid apud Christianos
iis,

iis, qui regenerati essent. Sane Ecclesiæ Doctores nunquam dari aliquid & accipi in sanctissimo illo sacramento dicebant, nisi adderent simul, quid daretur, corpus nempe & sanguis Domini: Vnde perspicuum est, Arnobium, dum *preparationem ad illud, quod datur*, commemorat, dogma Eucharistiæ cognitum habuisse, quod in eo consistit, ut corpus & sanguinem Christi accipiamus, prævia pia probatione, ex præscripto Apostoli. IV. Minutium Felicem dum Trinitatis mysterium occultasse vult Schelstratius, aduersantem rursus habet Petauium, qui in allegatis sæpius Prolegomenis cap. vi. Minutium in Oëtauiio suo Trinitatis confirmasse fidem statuit multisque probauit. Nec potuit Schelstratius in Minutio quærere aut reperire doctrinam modernorum Pontificiorum de incruento Missæ sacrificio, quam ille utpote omni melioris antiquitatis consensu destitutam procul dubio ignorauit. Imo Oëtauius apud Minutium nec debuit, nec potuit doctrinam Eucharistiæ explicare. Non debuit, quia directè eam non oppugnabat Cæcilius: nec potuit, quia calumniæ infanticidii (ex doctrina quidem sacramenti ortæ) modum prius non statuisset, quam addidisset, corpus & sanguinem Christi non nude ac visibiliter, sed sub speciebus panis & vini distribui & sumi. Cum igitur symbola ista occultari præciperet disciplina arcani, tum Oëtauius per solam negationem respondere consultius duxit, quam veram calumniæ originem detegendo Sacramentum prodere. V. Nihil etiam præsidii a Iulio Papa Synodoque Alexandrina accipit Schelstratius. Primo enim nihil apud eos de incruento sacrificio Deo Patri offerendo legitur, quemadmodum dogma Eucharistiæ vir ille insignis antea descripsit. Deinde etiamsi Iulius ad exaggerandum Arianorum crimen corpus & sanguinem Christi nominat, non tamen inter eos & Macarium quasiio erat de reali præsentia, sed hac præsupposita Eusebiani Macario exprobrabant, quod inter sacrorum mysteriorum celebrationem calicem frangens, vinum, cui sanguis Christi unitus erat, effudisset. Quoniam igitur Ethnicis quoque ludæisque præsentibus hanc disceptationem instituebant, merito violatæ disciplinæ accusabantur, cum ita & symbolum vini,

& vasa sacra, & ritus Eucharistiæ non-initiatis propalarentur. VI. Magis miror, Epiphanii Ancoratum a Schelstratio proferri, quem inter tales libros numerare oportet, quales nec cum Gentilibus, neq̃ cum Catechumentis communicari poterant. Scriptus enim est ad Presbyteros Suedris, ad Palladium eiusdem vr̃bis Magistratum, & Orthodoxos apud eos degentes, vt Macedonii hæresin profligaret. Nec in eo disciplina arcani obseruatur, siue ex communi nostrum, siue ex Schelstratii solius hypothesi eam censëas: Non ex communi: nam Symbolum Nicænum & longior fidei formula *τοῖς τοῦ αἵματος λόγῳ προσκρίνον, ἰῖς, οὗς βαπτισμῷ ἰνιτῖανδῃ σὺντῃ*, proponenda in fine libri additur, quum ex præscripto potius disciplinæ arcani Epiphanius idem facere debuisset, quod postea fecit Sozomenus, Symbolum istud describere veritus in opere ad non-initiatorum manus peruenturo. Neq̃ ex sola Schelstratiana: Epiphanius enim in isto volumine Trinitatis mysterium luculenter accurateque pertrahat, ex sententia viri docti *ἀνυστῆς* omnino occultandum. Vnde consequitur, Epiphanium ad eos scribentem, qui mysteriorum participes erant, non opus habuisse obscura & circumspècta loquendi ratione, sed verbis illis, *Hoc meum est hoc*, rem ipsius probe cognitam enunciaſſe. Hinc cum ipsis tanquam præſens cum præſentibus agit, & panem Eucharisticum manu quasi tenens ipsisque ostendens inquit: *ἐρῶμεν, ἰδῶμεν*; quidnam? quod Christus in manus sumſit, panem videlicet: videmus, eum non esse æqualem corpori eius, sed rotundum & ſenſus expertem &c. VIII. Obseruauerat ex re & vero Albertinus, Chrysostomum & Augustinum paſſim dicere, corpus & sanguinem Christi manducandum & bibendum nobis a Deo dari; Symbola autem Eucharistica occultare. Schelstratius responderet, si de pane & vino nihil dicendum erat propter Catechumenes, quanto magis de ipſo corpore & sanguine Christi coram iis tacendum erat? Sed Augustinus hoc argumentum a minori ad maius plane infringit, quando plurimis locis ab Albertino productis diſertiſſime ac ſine ullis verborum ambagibus & corpus & sanguinem Christi nominat, in primis ſermone xlvi. de verbis Domini, quem ipſe Schelstratius

tius in Vindiciis Concilii Antiocheni p. 201. citat. Ibi enim Augustinus corpus & sanguinem Christi manducari & bibi sæpissime clamat, nusquam tamen Symbolorum meminit, sed Catechumenos ad maturandum baptismum indeque pendentem Sacramentum usum hortatur. Nec obstat eiusdem tractatus xi. in Ioannem, unde duo testimonia in contrarium obiicit Schelstratius. Priori enim significat, Catechumenorum ignorantiam inde procedere, quia nondum in baptismo Christum induerant, & consequenter mysteriorum celebrationi non interfuerant, ignorantes adeo, sub pane & vino corpus & sanguinem Christi manducari & bibi; quare capere non poterant, quomodo fideles easumerent, quæ post Christi in celos adscensum inuitibilia erant. Posteriori comparisonem instituit inter Manna & panem Eucharisticum, quem quia Catechumeni ignorabant, certe nesciebant, quid acciperent Christiani. VIII. Oecumenii locum, quem Schelstratius nec Græce nec Latine reperire potuit, & ab Albertino pag. 313. descriptum moneo, & ex editione Parisiensi pag. 498. utraque lingua recito, & aduersus indicia suppositionis a Viro docto atque Dallzo Lib. ii. de Cultus Religiosi Christiano cap. xxix. collecta defendo, ita ut nulla contradictione nota inter narrationem Oecumenii & Lugdunensium epistolam apud Eusebium remaneat. Cum enim indubium sit, singulorum martyrum Lugdunensium acta seorsim fuisse annotata, illique pietatis officio Irenæus manum suam libenter commodasse videatur: tum Oecumenium in integra Sancti & Blandinæ acta incidisse, Lugdunensium vero epistolam ex his singulorum martyriorum descriptionibus instar breuiarii adornatam arbitror. Prima autem differentia a Schelstratio allegata inde provenit, quia locum Oecumenii ipse non inspexit, & Gallicam Arnoldi paraphrasin ita accepit, quasi pronomen *qui* ad *esclaves* pertineret, quod ad *Chrestiens* potius referendum esse Oecumenii verba flagitant, qui *χριστιανῶν κατηχημένων δέλης* ab ethnicis comprehensos ait, & eatenus cum Lugdunensium epistola consentit. Alterum quoque discrimen nullum est. Nam quæ Irenæus apud Oecumenium de peruerso mysteriorum Christianorum a seruis & gentilibus in-

tellectu refert, ea Capernaitarum blasphemias sapere nemo non videt, nec aliter Arnaldus intellexit. At carnis & sanguinis manducatio sensu Capernaitico accepta idem plane est cum epulis Thyesteis, quas Lugdunensis Ecclesia seruos illos commentos esse refert. Tertia denique discrepantia a Schelstratio inde quæsitæ, quod verba apud Oecumenium Blandinæ tributa Bibliadæ potius conueniant, facile tollitur: cum absurdum non sit, a duabus scæminis vnum adhiberi innocentia argumentum ab interdicto sanguinis esu inter Christianos vulgo notum & ab omnibus fere Apologetis vsitatum. Defensæ igitur Oecumenii fide clarissimum ac præstantissimum pro vera nostra sententia testimonium habemus, vnde constat, dogma Eucharistiæ nec Catechumenis, nec gentilibus in primitiua Ecclesia celatum fuisse. Nam Dominos diserte κατὰ χυαίνης vocat Irenæus: Serui autem gentiles erant, ac Dominorum suorum dicta in prauum sensum traxerunt, Quod addit Schelstratius, Blandinam & Bibliadem arcani disciplinam obseruasse, sine vlllo sententiæ nostræ dispendio concedere possumus, quum sane illis incubuisset, totam mysterii rationem explanare, & quomodo Christi corpus sub specie panis, sanguinem vero sub specie vini acciperent, indicare, adeoque disciplinam arcani violare, si gentilium quæstionibus satisfacere, calumniamque funditus euellere voluissent. ix. Obseruationes Casauboni ex amoebæis Augustini & Maximi Philosophi epistolis aduersus Schelstratium vindico, ostendoque Maximum non potuisse ignorare, vel Christum pro Deo coli a Christianis, vel Eucharistiam ab iis celebrari. Non prius, quia Patres, etiam Africani, in scriptis suis apologeticis aduersus gentiles nihil magis frequentiusque inculcare solent, quam Christum esse Filium Dei diuino cultu prosequendum: Maximum vero ex Eruditorum Gentilium numero erat, de quibus Augustinus in libro de Catechizandis rudibus scripsit, difficilimum omnino esse, vt non multa nostrarum scripturarum litterarumque cognouerint. Non posterius, quoniam Augustini facundiam laudat, nullibi magis quam in concionando exercitam. Augustinus autem sæpissime corpus & sanguinem
Chri-

Christi a fidelibus in Sacramento accipi in homiliis coram promiscuo populo professus est; cui Maximus intermixtus non potuit non illud etiam audire. Quod vero Augustinus in epistola ad eum Sacramenti huius non meminit, nihil obstat: neque enim Maximus de modo præsentix Christi quæsiuit, sed tantum, *quis sit* Christianorum Deus; unde satis habuit Augustinus, ad præcipuum argumentum respicere, illumque instruere, quis sit ille Deus; nullus scilicet mortalium, non fictus aut factus &c. X. Theodoreti testimonium vindico, qui Dial. II. disertissime rem Eucharistix cœlestem nominat, terrenam vero silentio propter non-initiatos inuoluit. Albertini etiam responsiones ad Perronii obiecta amplius confirmo, expectans a Schelstratio earum sufficientem dissolutionem, non contemtum. XI. Alia Veterum loca produco, quibus probetur, dogmata Sacramentorum celata haud fuisse. Quod de Baptismo diserte fateatur Albaspinæus, confirmantque Tatiani in Oratione contra Græcos, Iustini Martyris in Apologia, Clementis Alexandrini in Protreptico ad Gentes, aliorumque ibi descripta testimonia. XII. Eucharistix Symbola tantum & ritus, non doctrinam occultata fuisse probo ex omnibus illis testimoniis, quæcunque Pontificii pro reali præsentia ex homiliis Patrum coram promiscuo populo habitis depromere solent. Cum enim Schelstratius fateatur, non-initiatos ad audiendum publicos Doctorem sermones haud grauatim admissos; tum perspicuum est, quidquid in iis propositum fuit siue de aliis Christianæ religionis dogmatibus, siue de Eucharistia, ad illorum non minus, quam initiatorum aures peruenisse. Ut vero huius rei exemplum habeamus, aliquot Chrysostomi loca ex Homilia xxiii. in Matthæum, xlv. in Ioannem, vii. & xxiv. in priorem ad Corinthios, denique ex sermone de beato Philogonio describo, quibus ille ritus quidem Symbolaque Eucharistica occulte, doctrina autem, inprimis realis præsentix, clarissime tradidit. Libenter autem ex Schelstratio perciperem causam, quare Patres in aliis scriptis, quæ pro initiatis tantum concinabant, nec manibus non-initiatorum exponebant, sæpe multo obscurius de reali præsentia loquantur, & frequentius figu-

ra, typi, ac similia vocabula adhibeant. Quo fit, vt Calu-
niani obiectionum suarum maiorem difficilioremque partem
non ex vulgaribus homiliis, sed ex *axp. Bistric* Commentariis
& sermonibus ad solos fideles habitis depromant. Certe nisi
propria vineta cadere velit vir doctus, & disciplinam arcani
circa Eucharistiae mysterium apud fideles praecipue, ad quorum
usum scripta illa acroamatica cedebant, obseruatam agnoscere,
nihil aliud restat, quam vt disciplinam hanc non in dogmati-
bus, sed in ritibus tantum occupatam fuisse mecum statuat.
Quo facto facile deprehendet, ex diuersa potius docendi me-
thodo, quam arcani disciplina obscuritatem illam fluere, ac
proinde ad perspicuam simplicemque docendi rationem spe-
ctare, quæ in homiliis coram promiscuo populo habitis Patres
dixerunt; altiorẽ vero magisque reconditam Philosophiam
sapere, quæ proposuerunt in operibus ad perfectiorum infor-
mationem scriptis. Denique subiungo Christiani Lupi suffra-
gium, quo Scholio in cap. xij. Tertulliani de Praescriptioni-
bus, Casauboni nostramque sententiam de disciplinæ arcani
obiecto praeclare comprobat, & propterea Theodoreri testimo-
nium paullo ante allegatum eodem sensu explicat, quanquam
nonnulla de transubstantiatione & superfluis Pontificiorum Sa-
cramentis admiscet, quæ nobis quidem displicent, Schelstratio
autem maxime aduersantur.

Quarta Animaduersionum Sectione, quæ quarto
Apologiæ Schelstratianæ capiti respondet, tempus, quo orta est
disciplina arcani, inquiri, *Num. i.* praecipue notans Schelstra-
tii concessionem, illam non semper & æque obseruatam fuisse.
Cur ergo vir ille insignis tantopere repugnat vnico Constanti-
ni Baptismo in vitæ fine suscepto, eo praecipue argumento, quod
alioquin in Concilio Nicæno arcani disciplina violata fuisset?
Cur non potius concedit, quod Nostrates, & e suis non pauci
largiuntur, multa extra ordinem permissa fuisse Constantino
fouendo & Ecclesiae bono conseruando, quæ alias Catechume-
nis nequaquam concedebantur? Nam si unquam laxandæ dis-
ciplinæ causam habuerunt Patres, ea sane in Constantino ma-
xima

12

xima fuit, postquam Christianissimum amplexus est, ne disciplina asperitate deterritus ad gentiles relaberetur. Certe si Iustinus Martyr coram Ethnicis Imperatoribus & Christianorum hostibus arcana referare debuit, ut Schelstratius supponit, quanto magis Constantino ea exponere conueniebat, qui ante victum Maxentium diuino impulsu paganicam superstitionem deposuerat, & religionem Christianam pro virili parte fouebat ac protegebat; quanquam pro more illius ætatis baptismum differebat, & in Iordane tingi desiderabat? Num. 2. oraculo Christi Matth. vii. arcana disciplinam institutam esse nego multis rationibus. Primo enim eo tempore, quo Christus ad discipulos de sancto canibus non dando loquebatur, Eucharistiæ Sacramentum institutum nondum erat, nec Baptismus cum vniuersali obseruandi obligatione institutus erat; eodem modo igitur de iis rebus occultandis Apostolos tunc monuerit Seruator, de quibus nihil adhuc istis constabat? Deinde Christi mandatum generale & universale est, tam ratione obiecti, quam ratione durationis. Prius patet, quia in sua latitudine omnia religionis Christianæ mysteria inuoluit: cum autem disciplina arcana, etiam ex Schelstratii sententia, non circa omnia, sed quædam tantum mysteria versata sit, tum luculenter patet, eam a Christo ibi non intelligi. Posterius inde probatur, quia non in potestate est hominum, immutare illa, quæ à Christo semel ordinata sunt: aut alio modo, quam ex eius præscripto & voluntate tractare, ut apposite Petauius alicubi scribit. Si ergo disciplinam arcana Christus instituisset, ea sane nunquam abroganda foret, Romanaque Ecclesia in maximo versaretur piaculo, quod eam aboleuit, vtrum tam Iudæi in Imperio Romano, quam Ethnici in Oriente Christianis plerumque intermixti viuant. Præterea Christus per canes & sues intelligit obstinatos, epicureos, acriterque resistentes; quales ne cunctos quidem Ethnicos aut Iudæos, multo minus Catechumenos fuisse constat, quos tamen omnes promiscue arcana disciplina a conspectu sacramentalium actionum arcebat. Cætera, quæ aduersus instantiam meam ex Ioan. vi. reposuit Schelstratius, nihil mihi nocent. Cum enim disciplinam arcana dogmata non at-

attigisse euicerim, facile relinquitur, etiamsi a Christo eam
obseruatam esse ponamus cum Schelstratio, potuisse ramen il-
lum coram promiscuo populo de corporis sui manducatione
sanguinisque bibitione verba facere; quanquam haud ignoro,
Christum ibi non de sacramentali, sed spiritali manducatio-
ne agere, fatentibus etiam prudentioribus Pontificiis, a quibus
in Concilio Tridentino hanc in rem disputatum esse & Sua-
uis & Pallauicinus prodiderunt. Quod vero addit Schelstra-
tius, Christum rationem potius habuisse discipulorum, quam
Iudæorum, quos litigaturos sciebat, id sane difficultatem non
tollit. Nam is non minus sciebat, plurimos discipulorum
non credituros & abituros, solis XII. Apostolis remanentibus.
Cum autem plurima iisdem seorsim tradiderit, sane conueni-
ens erat, ut disciplinam arcani a se institutam ipse observa-
ret, Apostolosque suo doceret exemplo, quomodo ea sint te-
nenda. Num. 3. reliqua a Schelstratio ex sacris litteris obiecta
dissoluo, ostendoque, solis Apostolis præsentibus Eucharistiam
institutam non esse, quia ministri vtrique accumbentibus ad-
stiterunt de cibo potuque adferendo solliciti, quos a conspe-
ctu institutionis Sacramenti segregatos & exire iussos nullibi
legimus; potius mansisse colligitur ex Lucæ xxii. 27. ubi Chri-
stus celebrato sacramento discipulos ad humilitatem horta-
tur exemplo διακονούντων τοῖς ἀνακειμένοις, tanquam præsentium.
Verba Lucæ de discipulis Emaunticis non de Eucharistia, sed
vulgari cæna bene interpretantur multi Pontificii, ex quibus
Guil. Estii verba rationesque adduco, & Cornelii Iansenii sen-
tentiam subiicio, qui Augustinum a Schelstratio allegatum non
Eucharistiam, sed tantum figuram Eucharistiae intelligere con-
tendit. Preces primitiæ Ecclesiæ Aët. 1. v. 24. stricte nimis
de Eucharisticis accipit Hesychius; antiquior meliorque est
interpretatio Cypriani in Expositione Orationis Dominicæ de
precibus in communi, quam vocum προσευχή & δέησις genuina
significatio confirmat, quarum illa bonorum petitionem, hæc
malorum deprecationem importat. Denique Lucam per fra-
ctionem panis Eucharistiam intelligere nondum confectum
reddidit Schelstratius, quum Grotius de agapis verosimilius

explicet, a quo non multum recedit Estius. Tantum vero abest, ut apas coram non-initiatis occularint, ut potius vniuersam earum rationem Tertullianus in Apologetico suo enarrarit. *Num. 4.* responsiones Schelstratii alias diluo. Obieceram ei, in Euangelis, epistolisque Paulli & Ignatii claram fieri mysteriorum mentionem. Reponit ille, Euangelia pro solis fidelibus scripta fuisse, idque se infra ostensurum; quo successu, nos ibidem videbimus. Addit, Epistolas Paulli non ad Gentiles, sed ad fideles scriptas esse: quod libenter concedo, sed lectionem tamen earum publicam coram infidelibus & non-initiatis factam Schelstratius ipse fateretur, priuatamque iis infra vindicabimus; quomodo igitur eosdem latere potuit mysteriorum notitia? Denique ait, epistolam Ignatii scriptam esse ad Ecclesiam Philadelphiensem: ergo, inquam, pro more illarum epistolarum in publico ecclesie conuentu plus semel lecta fuit; a quo cum ipse Schelstratius non prohibeat Gentiles, Iudæos & Catechumenos, quomodo ii non audierint Ignatii de Eucharistia testimonium? *Num. 5.* Petri & Paulli exempla in medium profero, quorum neurer disciplinam arcani seruauit. Petrus enim & dogma Baptismi proposuit in Concione Baptismali Act. 11. & non-initiatis a rituum illius conspectu non fuisse prohibitos supponit 1. Epist. 111. 21. Quum enim Baptismus trina immersione vel adspersione perageretur, Iudæi non minus ac Ethnici spectatores cogitabant, esse abluetionem sordium carnis, qualis in sacris suis erat frequentissima. Hanc occupationem, quæ sane Christianorum non erat, Petrus ibi diluit, veramque baptismi rationem & doctrinam explicat. Quod eo magis Schelstratio aduersatur, quia non defunt inter Pontificios, qui cum Natali Alexandro statuunt, Petrum Babylonis nomine Romam obscure significasse propter metum gentilium, in quorum manus hæc forte epistola perueniret. Si autem loci nomen reticuit Petrus, quanto cautius disciplinam arcani seruare debuit? At huius ille nullam curam habuit, quod Paullus etiam fecit, ut initio tertiæ Sectionis vidimus: cuius discipulum dum se iactat Triphon apud Lucianum in Dialogo Philopatris, simul innuit,

arcani disciplinam Apostolorum suo receptam haud fuisse. Hæc enim Orationem Dominicam non-initiatis occultabat, docente post alios Bona: sed Triephon a Critia, Catechumeno plane rudiori, eam vult recitari. *Num. 6.* Schellstratii in Iustino effugium præcludo. Neque enim Iustinus Apologiam suam Imperatori tantum & Senatui, sed etiam *disquisitum suum*, adeoque toti pene terrarum orbi optulit. Quæ vero isthæc audacia foret, institutam a Christo & Apostolis disciplinam violare, nullamque exultationem, in rudiorum saltem Christianorum gratiam, addere? Cur sequentes Apologetæ, Tertullianus & Minutius Felix, aliique non eandem libertatem sibi sumserunt, quanquam eandem agentes causam, nec ignorantes, simplici veritatis confessione calumniantibus optime os obstrui? Nisi potius disciplinæ post Iustinum magis adstrictæ ratio obstitit, omnique modo cauendum dictitauit, ne quando gentilibus Sacramentum proderetur. Nec iuuant Schellstratium suppetitæ, quas ex Plinii epistola accersit. Testes enim, quos Plinius allegat, non sunt *ex Christianis*, ut vir doctus putat, sed ex eorum numero, qui ob fidem abnegatam hoc nomine plane indigni sunt. Atqui non est credibile, apostatas illos præcipuam Christiani cultus partem, qui in Eucharistia consistebat, plane præteruisse. Itaque obscuritas in Plinii verbis occurrens non istis transgressoribus, sed ipsi potius Plinio adscribenda venit, qui & initio epistolæ suam rerum Christianarum ignorantiam diserte fatetur, &, docente Buchnero in Notis, non satis percepta vi vocis Sacramenti, quam ei Christiani indiderant, iusiurandum significatu Romano intelligit. Eadem Plinii incertitia obstitit, quo minus Diaconissarum siue ancillarum Christianarum confessionem distinctè exprimeret, sed fidem nostram ut superstitionem prauam & immodicam traduceret. Præterea haud assentior Schellstratio, Iustinum prima sua Apologia nihil apud Antonium profecisse. Is enim cum reliquis fratribus epistolam pro Christianis ab Imperatore impetrauit, testibus Melitone, ipsoque Marco Aurelio in alio pro iis edicto: ut nihil dicam de quorundam opinione, quod Antoninus Iustino suadente statuum
Chri-

14

Christo dedicarit. Nec opus habuit Iustinus, ea quæ semel proposuerat de religionis nostræ Sacramentis, in altera Apologia repetere, utpote in quibus nihil fuerat immutatum isto decem pluriumue annorum spatio, quod inter utramque Apologiam intercessit. Miror autem, a Schelstratio ad arcani disciplinam trahi locum Iustini in Dialogo cum Tryphone, ubi panis & poculi diserta fit mentio, quibustamen nihil magis occultabant sacri silentii auctores. Nisi itaque Iustinum eandem cum Arianis culpam reprehensionemque apud Iulium & Alexandrinos incurrissè dicamus, fatendum sane est, disciplinam arcani æius etate nondum fuisse introductam. Videat etiam Schelstratius, quid respondeat Petauio, qui Iustinum ibi *Christiana legis sacrificium ex Malachia varicinis evidētissimè adstruere* censet; quo pacto rursus violarit arcani disciplinam, quæ ex Schelstratiana hypothese dogma de incruento sacrificio propalare vetabat. *Num. 7.* obseruo, Lactantium non secundum Symbolum Apostolicum, sed secundum seriem vitæ a Christo actæ scripsisse, nec pro Catechumenis, sed pro gentilibus institutiones suas adornasse. Quoniam vero Trinitatis mysterium ibi continetur, Schelstratii hypothesis labitur, qua id ad disciplinam arcani refert. Communis est quidem, Lactantium propter Arii hæresin hanc sibi libertatem sumsisse; sed cum ex Petauii Dogmatis Theologicis, tum ex vetustissimi præsertim scriptoris apud Eusebium Lib. v. Historiæ Ecclesiasticæ cap. xxviii. testimonio aperte liquet, diu ante Arium natum Apologetas Christianos diuinitatem Christi coram gentilibus profelios esse. *Num. 8.* ad præceptum Christi Matth. vii. regredior, triplicemque interpretum antiquorum classem constituo, primam illorum, qui varias interpretationes sæpe a disciplina arcani non parum diuersas colligunt ac probant: secundam istorum, qui de mysteriis verba Christi accipi non posse contendunt, iis inprimis, quæ dogmatica sunt, & a Schelstratio arcani disciplinæ præcipue tribuuntur: tertiam deniq; eorum, qui de mysteriis quidem explicant, sed ea tamen adiciunt, quæ nec ipse Schelstratius ad arcani disciplinam retulerit. Ex Prima profero Isidorum Pelusiotam Lib. iv. epist. 181.

& Lib. 1. epist. 143. Iobium Monachum Lib. vii. de verbo incarnato cap. xxxiii. apud Photium Biblioth. Cod. 222. & ipsum Photium epist. 54. qui simul interpretationem verborum Christi a me supra diductam præclare confirmat. Ex secunda Num. 9. Methodium Patarensem allego, cuius excerpta ex Photii Bibliotheca Combefisius in editionem operum Methodii transtulit. Is igitur nec disciplinam arcani in dogmatum occultatione statuit, nec ab Apostolis obseruatam voluit, quorum tamen vtrumque Schelstratius maxima contentione vrget. Ex tertia Num. 10. Hilarium Pictauiensem & Chrysostomum nomino, quorum ille Canone vi. in Matthæum, hic in Catena Possini, de mysteriis quidem verba Christi explicat, sed exempli loco incarnationem, passionem, & resurrectionem Christi allegat, ad quas tamen Schelstratius discrete fatetur arcani disciplinam sese non extendisse; manifesto argumento, Patres si quando oraculum Christi ad arcani disciplinam accommodant, id tantum applicare, non explicare. His præsuppositis ad expendenda singula Patrum testimonia a Schelstratio congesta Num. 11. progredior, eaque ordine persequor, primo Recognitionum Iulio-Clementis, deinde Num. 12. Dionysii Areopagite, Num. 13. Tertulliani, Num. 14. Origenis, Num. 15. Cypriani, Num. 16. Zenonis Veronensis, Num. 17. Iulii Papæ & Synodi Alexandrinæ, Num. 18. Gregorii Nysseni & Nazianzeni, Num. 19. Basilii, Num. 20. Hieronymi, Num. 21. Epiphani, Num. 22. Rufini, Num. 23. Gaudenii Brixienfis, Num. 24. Ambrosii & Augustini, Num. 25. Chrysostomi, Num. 26. Innocentii, Palladii & Isidori Pelusiote, Num. 27. Cyrilli Alexandrini, Num. 28. Sozomeni & Theodoreti, denique Num. 29. Ferrandi & Fulgentii loca examinans atque ad oculum demonstrans, ea vel de disciplina arcani plane non agere, vel nostræ, non Schelstratianæ hypothesei fauere. Post hæc Num. 30. obseruo, Schelstratium, cum iussurgia Patrum summarum colligens dicit, eos adserere, *ex verbis Christi disciplinam arcani introduciam fuisse*, incertam plane dubiamque reddere præcipuam suam opinionem, quod ea ab ipso Christo instituta sit: constat enim, subinde in ecclesiam quædam fuisse introducta ex verbis Christi & Apostolorum, quæ tamen illis tanquam auctoribus

bus tribui nequeunt. Cum enim successu temporis variorum rituum accessione augetur Ecclesiæ disciplina, nolebant Patres siue Episcopi nouitatis rei videri, sed verba exemplaue Christi & Apostolorum proposito suo passim applicabant; quod in iis præsertim ceremoniis obseruabant, quas ex gentilismo repetebant, ne apud suos imprimis, qui ex Iudæis crediderant, in contemptum abirent. Ita omnino se res habet cum disciplina arcani. Doctores secundo ad finem vergente sæculo viuentes, cum eam in orthodoxam Ecclesiam reciperent, verba Christi de margaritis ante porcos non proiciendis sæpe in ore habebant, ne nouitatem alere viderentur, aut cum gentilibus colludere, quorum Eleusinia solennis reticentia æmulabatur. Horum exemplum sequuti proximarum ætatum Patres, ex verbis Christi disciplinam arcani introductam esse voluerunt. Nec apostolicam antiquitatem disciplinæ illi conciliat, quod in Ecclesia Orientali & Occidentali obtinuit: nam alios ritus *num.* 31. in medium profero, quos nemo prudens, etiam ex Pontificiis, ab Apostolis institutos dixerit. Inter eos imprimis notabilis est communio Infantum, de qua tot testimonia congestit Dallæus Lib. v. de Cultibus Latinorum Religiosis cap. iii. & iv. vt ea secundum orbis regiones disponere facile sit, eo modo, quo Schelstratius suffragia de disciplina arcani digessit. Prouocat quidem, præeunte Alexandro, ad Augustini regulam, qua traditionibus Apostolicis id accensetur, quod uniuersa tenet Ecclesia, nec a Conciliis institutum, sed semper retentum est. Sed hæc requisita disciplinæ arcani applicari nequeunt. Primo enim ea a Conciliis instituta est. Modus sane præscribitur in Constitutionibus, Apostolicis vulgo dictis, quæ cum Canonibus eiusdem appellationis continent Syllogen decretorum in vetustissimis Conciliis secundo tertioque sæculo statutorum, prout communis fere tam Protestantium, quam Pontificiorum opinio hodie habet. Deinde perpetuus disciplinæ arcani vsus in Ecclesia non obtinuit, quippe quam ipse Schelstratius & dudum desinisse, & quo tempore adhuc vigeat, non æque semper obseruatam fuisse sponte faterur. Denique Augustini regula de iis agit, quæ Apostolorum praxi non ad-

versantur, clamantibus e contrario omnibus noui fœderis scriptis, disciplinam arcani eos non tenuisse. *Num. 32.* ad veram disciplinæ arcani originem inuestigandam progredior, quam vt feliciter earum, vniuersam rituum Ecclesiasticorum rationem, cuiusmodi ante quartum seculum fuit, breuiter considero. Apostoli post Christi adscensionem in ritibus maximum ad Iudaicos respectum habuerunt, quoniam ex Iudæis tota Hierosolymitana Ecclesia conuersa erat & constabat. Sichoram nomina precationis obseruarunt Act. iii. 2. indeque ortum traxerunt Synodi Hierosolymitanæ decreta Act. xv. Nec dubito accedere viris doctis, qui primæ & Apostolicæ Ecclesiæ regimen ita ad mores Synagogæ conformatum esse volunt, vt quæ bene sese habebant, maximeque necessaria erant, nihil aut parum mutarentur. Quod *num. 33.* probo variis exemplis a Stephano le Moyne To. ii. Variorum Sacrorum pag. 22. 23. 24. collectis, ipsique suffragantes allego Ioannem Seldenum, Campegium Vitringam & Iacobum Rhenferdium, atque ex ipsis Pontificiis Petauium, Allatium, Cardinalem Bonam, ac Simonium. Hinc *num. 34.* disquiro, quamdiu hæc rituum Synagogæ observatio in Ecclesia dominata sit, donec aliis ex gentiliū consuetudine augetur. Equidem Seldenus ex Virorum doctorum sententia eam usque ad excidium Hierosolymitanum sub Vespasiano obtinuisse refert. Mihi autem distinguendum videtur inter Iudaicas ceremonias, quæ typum Christi venturi includebant, & quæ saltem *εὐαγγελισμὸς καὶ τὴν αἰώναν* causa in Synagogis receptæ erant. Prioris generis sunt sacrificia, agnus paschalis, circumcisio & similia; quæ ipsi Apostoli abrogarunt, non simul & semel, sed successu temporis, vt ex Actuum Apostolicorum libro constat. Posterioris generis sunt, lectio sacrorum librorum, dignitas Seniorum, & aliæ Synagogæ consuetudines, quas ipsi Apostoli introduxerunt, & ecclesia diu simpliciter ac absque rituum ethnicorum commixtione retinuit. Cuius rei nobile exemplum habemus in Epistola Iacobi cap. ii. 3. vbi diuersi generis sedilia in Christianorum Ecclesia memorantur, ad eundem plane modum, quo in Iudæorum Synagogis exstructa erant. Cum autem huius epistolæ auctor esse cre-

credatur Iacobus Apostolus , frater Domini & Hierosolymorum Episcopus, eamque paullo ante martyrium scripsisse, hinc colligere est, usque ad obitum eius hanc Synagogæ cum Ecclesia similitudinem in ritibus obtinuisse; quam Iustini Martyris adhuc ætate floruisse ex Apologia eius patet, siquidem ceremoniarum Christianorum conuentuum ibi descriptæ cum moribus Synagogæ exacte congruunt. Imo Iustinus idem in Dialogo cum Tryphone triplicem sententiam circa ritus Iudaicos sua ætate inter Christianos vigentem recitat. Prima eos ad salutem necessarios iudicat, fuitque veterum hæreticorum, Cerinthi & similium, contra quos ipsis Apostolis erat dimicandum. Altera eos retineri libere cum fide in Christum patitur, ipsique Iustino arridet. Tertia in alterum declinat extremum, & ad salutem perniciosos censet, iisque sine dubio placuit, qui ex gentilismo conuersi pristinarum suarum consuetudinum reuaciores erant. Horum postremos, ubi prauauerunt, & dignitatibus ecclesiasticis admori sunt, occasionem dedisse summsseque existimo, mutationem argumentumque illud ceremoniarum sacrarum attentandi, quod ex ethnicorum ritibus moribusq; transfusum & in Ecclesiam Christi inuectum est. Equidem de ea re nuperrime Pompeius Sarnellius in litteris ecclesiasticis epistola 20. disquisiuit, sponteq; falsus est, multos gentiliū ritus in maiorem Dæmonis confusionem iis ereptos, a superstitione purgatos, mysticaque significatione donatos fuisse. Mihi autem initium huius commixtionis accuratius inquirenti, altius non licuit ascendere, quam ad annos inter Iustini Martyris obitum & Tertullianum intercedentes. Quod *num. 35.* inde conficio, quia in Iustini scriptis nulla ritus gentilis in Ecclesiam recepti comparent vestigia, quæ sane in Tertulliani operibus clarissima sunt. Cum vero Iustinus in persecutione M. Aurelii martyrio vitam finiuerit, credibile est, post pacem ab eodem Imperatore, miraculosa per Christianos impetrata pluuia moto, concessam, quæ deinceps sub Commodi imperio persistit, rituum augmentum, de quo agimus, enatum esse, statimque haud exigua incrementa summsse. Favebat summa Ecclesiæ tranquillitas, & plurimorum ex gentilibus.

bus honoratioribus conuersio, de qua Eusebius Lib. v. Histo-
r. Ecclesiast. cap. xxi. In hoc optimo rerum statu disciplinam ec-
clesiæ stabilitam exultantque fuisse quis dubitauerit? præser-
tim cum ex altera parte gentilium, simplicitatem Christiani
cultus irradientium, calumniæ impellebant, ut nostri ad maie-
statem sacris sui conciliandam plures ceremonias adfiscerent,
partim ex proprio ingenio inuentas, partim ab ethnicis mu-
tuatas. Prioris generis sunt tria illa ad Baptismi ritus addi-
tamenta, vnctio, mellisque & lactis gustatio, quæ Grotius
epist. 146. & 158. ad Gallos, secundi sæculi *imposita* censet;
cuius sententiam egregie firmat explicatque Dallæus Lib. 1. de
Cultibus Latinorum Religiosis cap. ix. & xi. idemque lucem
affert Rigaltio, qui in Notis ad Epist. 59. Cypriani censet, Chri-
stianos xui proxime (Apostolos) sequentis pluscula ad Bapti-
sini ceremonias addidisse; quod Dallæus benignius interpre-
tandum & usque ad ann. 170. vel 180. (ita ibi legendum est)
extendendum suadet: nec ego sine distinctione concesserim
Rigaltio, Christianos proximi post Apostolos xui Iudaicæ ob-
seruationes retinuisse. Nam illi quidem, qui Iustino Martyri
synchрони erant, consuetudines Synagogæ ab ipsis Apostolis
retentas simpliciter imitabantur, ut antea vidimus: sed qui
post Iustinum vivebant, ritusque plures Apostolicis superadde-
bant, Baptismales nempe, idē quibus Rigaltio sermo est, Iudæo-
rum mores præ oculis habere non potuerunt. In frequentibus
enim Iudæorum baptismis, iis præsertim, quibus Profelyti ini-
tiabantur, nullum vel olei, vel lactis aut mellis usum fuisse
constat. Propterea Christiani vergente secundo sæculo vi-
uentes Iudaicæ obseruationes tantum abest, ut libenter reti-
nuerint, ut potius eas, quibus hætenus adfueuerant, vel ab-
rogarint, vel immutarint, impulsī odio in Iudæos Christianis
inuidiantes ac illudentes. Exempla duo in medium profero;
alterum certaminis Paschalis notissimi, quod sub M. Aurelio
cœpisse ex Melitone refert Eusebius Lib. iv. cap. 26. alterum
censurarum Ecclesiasticarum; quas cum hætenus Iudæos Iudaico
exercuissent Christiani, in posteriore secundæ Centuriæ
parte immutare cœperunt, ostendente Seldeno Lib. 1. de Syne-
driis

driis cap. ix. Eodem tempore ortus est rigor Ecclesiæ in pœnitentes, non dissidente Schelstratio in Notis ad Canonem ii. Antiochenum cap. x. Artic. i. & Petavius in opere Gallico de pœnitentia publica ostendit, eam neque primo Christianismi sæculo, neque maiori secundi parte præceptam fuisse. Distributio quoque pœnitentium in quatuor classes vergente secundo sæculo constituta videtur, quanquam libenter Schelstratio largior, eas post Tertulliani tempora & Nouati hæresin distri- to etiam nomine cognitæ fuisse. Porro plures ordines, Subdiaconorum, Lectorum, Cantorum, Ianitorum, Exorcistarum & Acolytorum circa finem secundæ centuriæ institutos arbitror, quia nullum scriptum eo temporis intervallo vetustius eorum meminit, & Marci Liturgia atque Ignatii ad Antiochenos epistola, quibus Schelstratius nittitur, suppositionis apud cordatiores suspectæ sunt. Tum denique Chorepiscopos cœpisse putarim, quanquam Schelstratius originem eorum ad tertium sæculum referre malit: ratio enim, quam a multitudine fidelium petit, non minus sæculo secundo conuenit, nec magis pro Ponto, quam pro aliis regionibus facit. His ex ingenio adinuentis alia ex imitatione gentilismi adiecerunt Ecclesiæ Antistites, quorum prolixam seriem recensuit Baronius Ann. xi iv. num. 88. aduertentque diligentes antiquitatis scrutatores, pleraque eorum secundo sæculo apud Christianos inualuisse. Plura exempla *num. 36.* adfero, a Baronio quidem ibi omiſsa, sed ab aliis obseruata. Etenim inter illas Baptismi ceremonias, quarum prima apud Tertulianum mentio est, non pauca paganorum in tironibus militiæ initiandis consuetudines sapiunt, docente Erasmo Scholiis in Epistolam Hieronymi ad Heliodorum. Formulam solennem in precibus Christianorum *κρυπὴ ἐλπίς* a gentilibus sumtam fatetur Brilſonius Lib. i. Formularum. Orationis versus Orientem apud Scriptores Tertulliano vetustiores nulla occurrit memoria, vnde, præeunte Chrysostomo Commentario in Daniele, quem Cotelerius edidit, Pineda in Iobum cap. xxxi. eam non ab Apostolis, sed tantum ab Ecclesiæ Patribus præceptam statuit; Lortius autem in Leuitici cap. xvi. sponte concedit, morem hunc

ex paganismo retentum esse, cui praeiuerat Leo Magnus sermone vii. de Natiuitate Domini. Eandem originem habet solennior martyrum cultus, vt diserte indicat Gregorius Nyssenus in panegyrico, quem Gregorio Neocæsariensi dixit. Hæc & similia omnino comprobant meam opinionem, qua verge[n]te secundo sæculo & deinceps magnum rituum Ecclesiasticorum augmentum accessisse statuo; cui amplius confirmandæ *num. 37.* prolixum Tertulliani locum adiicio ex cap. iii. & iv. libri de corona militis, vbi plurimos ritus in Ecclesia sua ætate receptos enūmerat, quorum in scriptoribus vetustioribus nec vola existat, nec vestigium. Inprimis Iustinus Martyr accuratam ceremoniarum Christianarum recensionem instituit, nihil quidquam se temere prætermisurum præfatus, hos tamen summo premit silentio. Quare post Iustini martyrium introducti sint, oportet, sed antequam scripsit Tertullianus, adeoque labente secundo sæculo; quod nostræ sententiæ maximum pondus adfert. Negitiua quidem est hæc argumentandi ratio, sed in rituum ecclesiasticorum origine inquirenda summi momenti, & prudentioribus Pontificiis ipsique Schelstratio probata. Nec quenquam mouere debet, quod traditionis vocabulo vititur Tertullianus. Dall'rus enim lib. i. de Cult. Latin. Relig. cap. xi. ex ipso Tertulliani contextu ostendit, eum non de Apostolorum, sed quorumlibet Christianorum traditione agere. *Num. 38.* moneo, non cuiuslibet, & riuato ausu, sed Synodis Prouincialibus rituum mutationem licuisse. Quarum decreta plurima videntur seruata in libris, qui Constitutionum Canonumque Apostolicorum nomine hodie circumferuntur, quorum antiquitatem egregio libro vindicauit Guilielmus Beueregius: & quanquam is nonnulla habet, quæ a veritate abluunt, non possunt tamen Lectorem purioris antiquitatis peritum remorari. Præsertim, quando communis nunc eruditorum sententia est, Canones illos Constantinosque Nicæno Concilio antiquiores esse, usque contineri disciplinam Ecclesiasticam, qua Ecclesia ante Constantinum Magnum regebatur. Quam in rem allego ex Pontificiis Petrum de Marca, Gabrielem Albaspinarum, Ioan. Morinum, Ioan.

Ioan. Frontonem & Ioan. Bonam : ex Reformatis Hugonem Grotium, Dauidem Blondellum & Ioan. Pearsonium : ex Nostratibus Casparem Zieglerum, Ioan. Schilterum & Ioan. Dicmannum. Imo huc collimat ipse Scheltratus in Notis ad Canonem II. Antiochenum cap. v. num. 2. ubi de Constitutionibus Apostolicis scribit: *Quin hic auctor primam Ecclesia disciplinam ab Apostolis & primitiuis Patribus traditam posteritati consecrari, nemini dubium videtur.* Quod de Apostolis scribit, eatenus saltem admittimus, quatenus cum scriptis Apostolorum genuinis & disciplina a Iustino Martyre descripta consentiunt Constitutiones: quod autem de primitiuis Patribus addit, facile concedimus, existimantes adeo, insigni illi viro non improbanda videri, quæ de augmento rituum Ecclesiasticorum secundo labente sæculo apud Christianos inuehi cæpto hætenus commentati sumus. Num. 39. ex longo diuerticulo ad disciplinam arcani reuertor, cuius causa hic excursus institutus fuit. Cum enim omnes illæ ceremoniæ ad maiestatem sacris Christianorum conciliandam receptæ sint, cum nulla maiorem reuerentiam venerationemque attulit, quam solennis hæc recitencia. Ex opertis vero Gentilium sacris, Eleusiniis præsertim, eandem fuisse transumptam, rituum utrobique obseruari solitorum collatione clarissime apertissimeque post Casaubonum probauit Gebhardus Theodorus Meierus in Commentario de recondita veteris Ecclesiæ Theologia a num. v. usque ad num. xiii. Etenim in sacris Eleusiniis solenni præconis voce abigebantur ἀλητοὶ & βέηλοι. In sacris Christianorum notissimæ sunt Diaconorum voces, quibus ἀλητοὶ, videlicet pœnitentes, & βέηλοι, Catechumeni, Iudæi & Gentiles exire iubebantur. In Eleusiniis initiati habebant propria signa, propria responsa, vt Iulius Firmicus loquitur, quibus veluti tesseriis a non-initiatis distinguebantur. Eodem apud Christianos censu veniebant oratio Dominica & Symbola fidei, quibus ii veluti baptismi tessera a Catechumenis & infidelibus segregabantur; nec alium in finem panem & vinum, Eucharistiæ symbola, occultabant. Sacra Eleusinia profanis nec ore nec scriptis erant prodenda, imo audire saltem non-initiatis ne-

fas habebatur. Idem silentium apud Christianos observatum est. Hinc quippe ortum traxit Cyrilli de Catechesibus celandis præceptum, & anxietas illarum Patrum cautelarum ac periphrases solis initiatis intellectæ. Et unde omnes istarum voces apud Christianos vñtatissimarum, *μυστηρίων, τελετῶν, ἐκπαιδείας, μυστῶν, μυστηρίων, ἀμυσήτων*, pluresque aliarum in sermonibus de Sacramentis, quam ex sacris Eleusiniis? Ut nullum cuiquam dubium remanere possit, quin disciplinam arcani ad Eleusiniarum imitationem compositam receptamque esse agnoscat. Porro quoniam ex supra demonstratis relinquitur, secundo demum labente sæculo Christianos rituum Apostolicorum simplicitatem maiori apparatu auxisse, eique exornando non pauca ex gentilium sacris petiisse; nemo non videt, disciplinam arcani utrinque multa conferentem ante illud tempus recipi non potuisse, tantum abest, ut Apostolos aut Christum ipsum auctores habeant. Extremo Num. 40. corollarium annecto ex vera disciplinæ arcani origine enatum. Cum enim eam ad modum opertorum gentilium sacrorum institutam esse evicerim, ipsam vero ethnicorum arcana non in dogmatum, sed rituum Symbolorumque occultatione constiterint: tum luculenter patet, apud Christianos quoque idem factitatum, adeoque ex disciplinæ arcani præscripto non doctrinam, sed ritus & symbola tantum in occulto servata fuisse.

Quinta Animadversio in Sectione, quæ quinto Apologiæ capiti respondet, duo argumenta vindico, quibus Schelstratianam hypothesein in Dissertatione mea oppugnaeram. Priori ex gentilium accusatione de Thyesteis epulis desumpto probavi, cognitam ipsis fuisse doctrinam Christianorum publicam de Eucharistiæ Sacramento. Cui defendendo integra Tertulliani & Origenis loca *Segmento I.* describo, quibus initium auctoresque putida illius calumniæ produunt. Illud Tertullianus derivat a *Tiberio*; Origenes ab *initio doctrinæ Christianæ*. Hos Tertullianus dicit *hostes & extraneos*, primoque loco ponit *Iudeos*; Origenes simpliciter in *Iudeos* culpam confert. Quid autem Iudæi initio prædicationis Euangelii

ex in vulgus sparserint, non aliunde melius cognoscitur, quam
 e Iustini Dialogo cum Tryphone, vnde duo proluxa testimonia
 ex pag. 234. & 335. transiero, quorum pauca latine hic legenda
 propinabo. Ex priori: *Viros eximios Hierosolymis delectos inter-*
ram omnem iam loquastis, dicentes, haresin sectamque Christianorum
nullius numinis culticem existisse; atque ea contra nos sermonibus
spargentes, que cunctis, qui nos non norunt, iactant. Itaque non ipsi
 modo vobis iniquitatis esse causa, sed aliis quoque prorsus moralibus
 anninensis. Ex posteriori: *quisque calumnioso sermonibus spargerent,*
docuisse etiam ea illum (Christum) que impia & iniqua & impura
apud omne genus hominum esse iactatis, contra eos, qui illum Christum
& Doctorem & Filium Dei esse profitentur. Ex duplici hoc Iustini
 testimonio clarissime liquet, Iudæos calumniarum in Christi-
 nos sparsarum auctores esse. Quid enim aliud iactarunt illi,
 qui Christianos non norunt, quam Thyesteas epulas, & Oedi-
 podeos concubitus? ut ipse Iustinus eodem Dialogo adfirmat
 pag. 227. Huc quoque facit, quod Eusebius ἐν τοῖς παλαιῶν
 συγγραμμάτων se legisse refert, Scribas & Sacerdotes Iudæorum e-
 pistolas in omnes gentes misisse, quibus Christi doctrinam vt
 alienam & peregrinam a Deo traducerent. Locus Eusebii
 exstat in Catena Græca ad Esaiæ cap. xix. indeque citatur a
 Stephano le Moyne to. II. Var. Sac. pag. 6. Ex quibus omni-
 bus valide refellitur Schelstratius, qui Simonem Magum & si-
 miles hæreticos harum calumniarum auctores mallet, & alium
 Eusebii locum ex lib. IV. Historiæ cap. VII. obiicit, quem *Segm. II.*
 vindico. Eum quidem Schelstratius ita interpretatur, quasi
 Simon eiusque discipuli, Carpocrates & alii, calumniam de
 Thyesteis epulis in vulgus sparserint, quoniam ante haresin
 occultis Christianorum sacris interfuerant. At Eusebius
 potius vult, Gnosticos, qua appellatione omnis illa perditissi-
 morum hæreticorum colluvies superbiebat, nefandis suis sce-
 leribus & promiscua libidine occasionem ethnicis dedisse, spur-
 cissimos eiusmodi mores orthodoxis etiam Christianis adin-
 gendi, nomenque eorum calumniis prosciendendi. Hunc ver-
 borum Eusebii sensum agnouit Dallaus, Lib. II. de Cultus re-
 ligiosi obiecto cap. XXVII. & ex Irenæo Clementeque Alexan-

drino desumptum ostendit, quanquam in eo cum Schelstratio alucinatur, quod calumniam istam ex Eucharistia natam esse negat. Quid enim obstat, quo minus utrumque verum sit? Cur non Iudæi falsum istum rumorem, haud aliunde quam ex doctrina Christi de manducanda carne & bibendo sanguine eius acceptum, in vulgus sparserint, quem deinde gentiles, Christiano pariter nomini insensissimi, auide arripientes, & an verus sit, inquirentes, ad scelerata Gnosticorum delubra perlati auxerint, Orthodoxis siue per impericiam, siue per destinatam animi improbitatem tribuendo, quæ hæreticorum propria erant? Ut autem utramque hanc calumniæ causam statuat, inuicta temporis ratio omnino requirit, quam nec a Schelstratio, nec a Dallæo observatam esse miror. Nam Iustini Martyris, Tertulliani, Origenis, aliorumque veterum suffragia dubitare neminem sinunt, quin a Iudæis initio doctrinæ Christianæ, Tiberio adhuc imperante, in omnem terram vulgata sint falsissima ista diæteria. At eo tempore nondum exorti erant Carpocratiani, (de quibus eo in loco Eusebio sermo est) quorum initium ipse Schelstratius ad ann. Traiani 19. Christi 116. ponit. Præterea Schelstratius fatetur, Christianos coram Traiano & Plinio hoc nomine delatos fuisse, quod etiam ante ortos Carpocratianos factum est. Nec cogitare licet de Simone, qui cum adfœlis suis clam agebat, non publice, ut Carpocratiani, teste Eusebio, cum hoc loco, tum Lib. II. cap. XIII. Quare non Simonianorum sed Carpocratianorum mali mores innotuerunt. Imo antequam ulla hæresis inter Christianos audiretur, calumnias illas a Iudæis divulgatas esse luculenter docet Iustinus, quando ait, *τὸς, ἡμῶν*, cum nempe cognouissent, Christum resurrexisse & ascendisse, multos mendaciorum artifices in omnem terram; quorsu n spectant verba Matthæi cap. XXIX. v. 11. 15. Perstant ergo firma & solida, quæcunque in Dissertatione mea super hoc argumento attuli, ut probarem, Gentiles ex Christiano de Eucharistia dogmate calumniandi ansam arripuisse: quod sane disertis verbis fatetur Iacobus Nouerus, ibidem Schelstratio a me obiectus, sed ab eo profundo silentio prætermisus, cui tamen utpote eidem reli-

gioni addicto præcipue respondendum erat. *Segm. III.* ad instantiam viri docti respondeo, qua putat, crassam potius ignorantiam mysterii illius apud ethnicos referre istam calumniam, prout apud Minutium Felicem a Cæcilio instruitur. Quotus enim quisque nescit, Christum de corporis & sanguinis sui manducatione & bibitione Capernaumi docuisse, puerilemque simplicitatem discipulis toties commendasse? Similiter Apostolos in sermonibus atque epistolis fecisse constat. Imo manifeste deinde in veteri Ecclesia usus, ut Christiani ob simplicitatem suauitatemque morum, pueri nuncuparentur, quem pro scriptis Dionysii Areopagitæ vrgent Halloixius & Alexander, non inuito, credo, Schelstratio. Probant autem ex Clemente Alexandrino Lib. 1. *Pædagogi* cap. 11. cuius cap. 14. eodem tropo doctrina Eucharistiæ explicatur. Vnde colligere est, dogma illud Minutii ætate ita proponi consueuisse, quoniam illum Clementi synchronum esse haud diffculter concedit Schelstratius: æquomodo igitur inficiari poterit, ex publica ista Christianorum doctrina perperam intellecta & malitiose detorta calumniam infanticidii ortum traxisse? Ex his autem elicio *Segm. IV.* disciplinam arcani non posse consistere cum eiusmodi calumniis, quæ si tum obrinisset, infideles ne rituum quidem notitiam habuissent. At hos etiam illis innouisse pater ex altera calumnia incestus promiscuique concubitus, quæ ex osculo, pro more veteris Ecclesiæ ad ceremonias Eucharisticas pertinentem, sine dubio originem traxit, innuente Clemente Alexandrino, nec dissente Cardinali Bona. Notabile insuper est, introducæ arcani disciplina paulatim desinisse horrendorum criminum imputationes, donec plane in fumos ventosque abirent, mortuis scilicet illis, qui apertis adhuc Christianorum sacris interfuerant, posteris autem a conspectu eorum exclusis. Dallæus hoc calumniarum decrementum aduertens eas quidem ultra Tertulliani tempora consistere non potuisse recte dicit, sed quia cum Schelstratio ex Eucharistiæ mysterio ortas negabat, & ex nefariis hæreticorum sacris efficitur statuebat, una cum hæreticis illis euauuisse vult. Quod sanè veritati haud consentaneum est, cum Gnosticorum

turpitudines adhuc Epiphanii ætate perstiterint, qui ad paria flagitia seipsum sollicitatum refert Har. xxvi. Deinde ad alterum argumentum in Disputatione mea adhibiturum *Segm. V.* progredior, & primo Noui Testamenti scripta in communem gentium usum Græce consignata esse probo testimoniis, cum antiquioribus, Clementis Alexandrini lib. i. Stromatum & Theodoretæ Serm. viii. de curandis Græcorum affectibus, tum recentioribus, etiam Pontificiorum, Benedicti Ariæ Montani & Guidonis Fabritii Boderiani; laudoque divinam providentiam, quæ inualescen- te Christianismo, iis quoque populis prospexit, qui Græcum idioma nesciebant, ac in alias linguas sacros libros transferri curavit, ut patet ex Augustino Lib. ii. de Doctrina Christiana cap. v. & Theodoro Serm. v. de curatione Græcorum affectionum. Deinde *Segm. VII.* noui fœderis libros duobus primis sæculis ab ethnicis passim legi consueuisse multis argumentis ostendo. Quanquam enim Schelstratus in genere de *sacra Scriptura codicibus* quæstionem format, de veteri tamen Testamento controuersia non est, nec esse potest, quia veteres Patres toties plagii ex sacris litteris antiquos Philosophos postulant, plurimaque loca in gentilium scriptis ex Veteris Testamenti libris deprompta occurrunt, quæ Huetius in illustri Demonstrationis Euangelicæ Opere collegit. Itaque de scriptis Noui Testamenti primum argumentum inde conficio, quia ipsi ethnici vel allegant vel suggillant Apostolos & Euangelistas, quorum neutrum absque librorum illorum sectione fieri potuisse palam est. Quam in rem iterum produco Huetii de Porphyrio, Philostrato & Amelio Euangelia vel carpentibus vel usurpantibus obseruationes, ac subiungo exempla plurium ipsis vel coæuorum vel iuniorum; nempe Celsi, quem Chrysostomus Homil. vi. in i. ad Corinthios ad probandam librorum noui fœderis antiquitatem non dubitauit allegare; tum Iustini Martyris & Theophili Antiocheni, quorum vterque libros sacros ante conuersionem se legisse testatur; Commodiani, quem inter sæculares litteras etiam nostras legendo fidei occasionem accepisse refert Gennadius; Hypatiz, quæ de principio Euangelii Iohannis cum Cyrillo Alex-

Alexandrino per epistolam disputauit, editam a Christiano Lupo inter alias epistolas ad Concilium Ephesinum spectantes, cap. cccvi. His adnecto vetustissimum conuictum, quod pagani ob barbarissimos & solæcismos Apostolis faciebant: Nulatenus autem de stylo iudicare potuissent, nisi copia legendi habita. Sic quando Petauius scribit, Origenem allegorias sectandi occasionem fuisse ex contentu Christianorum dogmatum sacræque scripturæ apud ethnicos, vtrique supponit, ethnicis diuina volumina patuisse. *Segm. VII.* Schelstratii obiectiones dissoluit, & cum is præcipue urgeat, Euangelia & epistolas Apostolorum ad solas fidelium Ecclesias scripta in iisque lecta esse, nihil inde consequi ostendo, quoniam & veteris Testamenti volumina pro solis Ebræis primo adornata sunt, gentilibus tamen ad legendum permissa. Deinde Christi mandatum & finis scriptorum Apostolicorum & praxis gentium aduersatur. Christus mandauerat Apostolis, ut per orbem vniuersum Euangelium docerent, quod eos & voce & scriptis sequutos esse sponte fatetur Schelstratius. Sicuti ergo Apostoli oralem prædicationem nulli genti denegarunt, ita etiam scripta eorum ad omnes pertinuerunt; in primis quia Christi præceptum non illius solum, sed etiam sequuturi temporis gentes respexit. Porro quia iam Iudæi per legatos & epistolas in totum orbem missas cursum Euangelii impedire tentabant, hinc scite deducit Moynius, occasionem haud postremam Apostolis natam esse, voce scriptisque homines melius de Christianismo informandi. Sic Euangelia etiam a Gentilibus lecta esse exempla supra adducta satis euincunt: de Iudæis vero fidem facit Trypho in Dialogo cum Iustino Martyre, & quod Epiphanius refert Har. xxx. Euangelium Ioannis & Acta Apostolica in Gazophylacio Iudæorum Tiberiadensium Ebraico idiomate seruata fuisse. Huius denique probe vidit, locum Pauli de Euangelio Lucæ per ecclesias lecto, quem Schelstratius nobis obiecit, nihil prohibere, quo minus id Philostratus & legerit & exscripserit; ideoque eadem pagina vtrunque inculcat. Pergit Schelstratius, & Gentiles Iudæosque a publica etiam sacrarum litterarum in Ecclesiis lectione

prohibitos vult. Sed *Segm. IX.* obseruo, hanc rationem a particulari concludere, quoniam in plerisque Ecclesiis non-initiatos ad audiendas diuinas scripturas admissos fuisse ipse fateretur Schelstratius. Imo mea ita fert sententia, initio Christianismi hunc morem vbivis obtinuisse, quem deinde aduersus quosdam nouaturientes & *ἀνοήτους* ab auditu sacrarum lectionum excludentes, stabiliverint Concilia, Laodicense, Valentinum & Carthaginense, quod de Laodicensi exsertis verbis ipse Schelstratius statuit in Vindiciis Concilii Antiocheni pag. 200. Liturgiam Iacobi *νοβελας* accuso, & quamuis ut germana admittantur, quæ inde Schelstratius citauit, nihil tamen præsidii ei accedit, quoniam Iacobo adhuc viuente pleraque scriptorum noui fæderis nondum erant concinnata. Quando denique subdit vir ille insignis, ex trium priorum sæculorum monumentis colligi posse, Iudeos & Gentiles ne quidem ad missam Catechumenorum admissos, vellem, ut testimonia quædam adiecisset. Contrarium enim ex eodem Tertulliani loco mihi colligere videor, ex quo ille Catechūmenos ad conciones audiendas admissos probauerat; idque confirmo ex Origenis homilia xix. in Ieremiam, Iustini Apologetico, ipsoque Paulo 1. Corinth. xiv. 23. 24. 25. & egregiam Morini confessionem de auditu ad lectionem concionemque sacram infidelibus semper concessio subiungo ex lib. vi. de Pœnitentia cap. iv. Tandem *Segm. X.* euinco, Schelstratium gratis ad Diocletiani persecutionem prouocare. Neque enim illius ætatis Christiani sacros codices ethnicis tradere noluerunt, quod lectionem iis inuiderent, sed quoniam vniuersalis eorum extirpatio decreta & mandata erat ab Imperatoribus, Christianæ doctrinæ Scripturarum sacrarum combustionem exitium finemque illatum iri putantibus: ut ex Eusebio, Lactantio, Arnobio, Actisque Philippi Hadrianopolitani apud Mabilonium & aliis apud Baronium manifestissime liquet. Traditores itaque appellabantur, non qui sacros codices legendos, sed qui comburendos ethnicis tradebant. Tertio Catechumenis nec publica nec priuata lectione scripturæ interdictum fuisse *Segm. XI.* demonstro. Prius quidem ex Dionysii Hie-

rarchia Ecclesiastica cap. iii. pro cuius Apostolica antiquitate Schelstratius acerrime pugnare solet. Posterius vero exemplo Constantini, adhuc Carechumeni, scripturas perlegentis, teste Eusebio lib. i. de vita eius cap. xxxii. nec dissidente Schelstratio infra, ubi de illius baptismo agit. Patris vestigiis institit Constantius, quem in lectione scripturarum hospitem haud fuisse binis vicibus indicat Athanasius in Apologia ipsi oblata.

Sectione sexta Animadversionum, quæ sexto Apologia Schelstratianæ capiti respondet, *Num. 1.* moneo, Schelstratium frustra supponere, initio ecclesiæ Gentiles, Iudæos & Catechumenos omnino a Sacrificio exclusos fuisse. Nullibi enim in sacris N. T. litteris vel Eucharistiæ Sacramentum sacrificii nomine venit, vel vestigium vllum peculiaris Catechumenorum ordinis, qualis fuit postea, occurrit. Potius efficacissima Apostolorum doctrina eiusmodi ordinem plane excludit; & similitudo rituum ecclesiæ ac Synagogæ supra demonstrata fidem facit, quemadmodum Iudæi nec ethnici nec proselytos a Synagogarum accessu rituumque contemplatione prohibuerunt, ita etiam primos Christianos consuevisse, donec aliis moribus vivere & inter alios gentilium ritus profanorum quoque dimissionem suscipere cæperunt. *Num. 2.* meam sententiam propono, solennem videlicet infidelium & Catechumenorum dimissionem cum disciplina arcani ad finem secundi sæculi institutam esse Antiquissimus liber, in quo eius habetur mentio, Constitutiones sunt Apostolicæ, ut vulgo audiunt, sed vergente demum secundo sæculo adornari cæptæ. Schelstratius quidem antiquiora se putat proferre, sed quæ vel nihil ad rem faciunt, vel supposititia ac reuera recentiora sunt. Prioris generis est disputatio de pluralitate rituum eucharisticorum ab ipsis Apostolis crescente fidelium multitudine inuenta, quam verbis fere Cardinalis Bonæ instituit. At Gregorius Magnus Apostolos tantum Oratione Dominica & verbis institutionis vsos refert: nec ipsi aduersantur, quæ ex aliis Patribus Schelstratius congerit. Nam Gregorius ipsum

consecrandi actum respicit : reliqui autem totum cultus diuini publici (cuius haud postrema pars est Eucharistia) apparatus , variis precibus , hymnis , lectionibusque constantem , intelligunt . Quod sane Augustinum facere *num. 3.* luculenter ostendunt . Chrysostomi vero locum huc plane non pertinere *num. 4.* verbis Dallæi lib. ix. de Cult. Lat. Relig. cap. in. evinco , qui Goarum eodem vtemen refellit . *Num. 5.* Procli testimonium *volens* suspectum reddo , partim suffragiis Albertini , Allatii & Simonii , partim argumentis . Deinde Epiphaniî genuinum sensum expono , eique Iacobi Liturgiam , prout hodie exstat , cognitam non fuisse , imo hanc ita ex Bellarmini sententia interpolatam esse , vt non sit facile diiudicare , quæ Iacobum habeant auctorem , commonstro . *Num. 6.* reliqua a Schelstratio producta veterum loca excutio , & ex Constitutionibus Apostolicis meam opinionem rursus confirmo , Dionysium Hierarchicum antiquitatem Apostolicam eminentem ex testium numero semoueo , Tertullianum ex auctoritate & usu Ecclesiæ sui xui Marcionitas impugnare obseruo , nec Augustini regulam huc facere doceo , quia dimissionis non-initiatorum haud perpetuus in Occidentali Ecclesia usus floruerit . Propterea *Num. 7.* Cardinalis Boni sententiam probō , qui diuisionem Catechumenorum & consequenter disciplinam arcani circa annum 700. in Ecclesia Latina desuisse statuit . Hanc impugnat quidem Schelstratius , sed argumentis Cardinalis non satisfacit , quibus ego plura adiungens *num. 8.* obiectiones Schelstratii diluo , & responsiones Cardinalis ad loca Amalarii & Beleti amplius confirmo . *Num. 9.* disciplinam arcani in Oriente supra quintum sæculum durasse probō ex Actis Siræ Martyris apud Papebrochium tomo quarto Maii , quorum Auctor dum ministros ritusque baptisni reticere vult , disciplinam arcani omnino tenet . Sic Maximus Martyr initio Dialogi i. de Trinitate disciplinam illam seruat , & fidei Symbolum prodere non vult , cuius verba *num. 10.* describo , & cum isti Dialogi falso sub Athanasii nomine prodierint , ipsū Schelstratium Maximo eos adserere indico . Deniq; *num. 11. & 12.* Christiani Lupi sententiam de perpetuo disciplinæ arcani apud Græcos vsu allego , & quæ de eo apud Occidentales habet , cum necessariis emendationibus subiicio . /

Septi-

25

Septimam Animadversionum Sectionem, quæ se-
 primo Apologiæ Schelstratii capiti responderet, in octo etiam Ar-
 ticulos cum illo diuido. *Articulo I.* de septem Sacramentis agi-
 tur, quorum definitus numerus septenarius quod apud Patres
 non reperiatur, ex disciplina arcani ortum putat Schelstratius.
 Atqui constat, plura Patrum scripta ad initiatos & fideles directâ
 esse, quam Catechumenorum vel infidelium manibus exposita.
 Quanquam igitur in his vel plane non, vel obscure Sacramen-
 torum meminissent, non debuerunt tamen numerum eorum de-
 finitum silere in illis, si septem distincta agnovere, quod vult
 Schelstratius. Neque enim fas erat, initiatos in ambiguo relin-
 quere: imo cum de duobus propriè dictis Sacramentis, Baptis-
 mo & Cœna Domini, tam clare aperteque in eiusmodi scriptis
 agant, certè incredibile est, tantum de reliquis quinque eos te-
 nere silentium; nisi absurdeingas, accuratiorem cognitionem
 & fidelibus & infidelibus eos inuidisse. Quare non possumus
 aliter, quam ut credamus, quinque Pontificiorum superflua Sa-
 cramenta eos proprio dictis non agnovisse. Vellem etiam,
 ut Schelstratius nominasset vllum veterem scriptorem Hugone
 Victorino antiquiorem, qui septenarium Sacramentorum nume-
 rum definiuerit. Hugonem enim primum hanc sibi audaciam
 sumsisse, quam postea Concilium Florentinum approbarit, ante
 quod etiam nulla Synodus idem fecerit, eruditi obseruarunt.
 Græcorum vero consensum quando inculcat Schelstratius, igno-
 rare non potuit, quantuscunq; in numero Sacramentorum con-
 sensus appareat, non deesse tamen dissensum in explicatione &
 usu. Testimonia, quæ allegat, ex Allatii lib. iii. de Perpetuo
 Consensu cap. xvi. maximam partem desunxit, & in eo alucina-
 tus est, quod Iobium Monachum apud Photium putauit, quem
 Allatius Iobium Monachum dixerat, labente sæculo tertio decimo
 viuientem. Recentiores autem Græculi, quos allegat, quam exi-
 guæ auctoritatis sint, Thomas Smith in Miscellaneis erudite di-
 duxit. Porro cæteros Orientales Christianos in septenario nu-
 mero cum Latinis convenire testibus minime suspectis confir-
 mare debuerat Schelstratius, quem haud latebat, id non a nostris
 solum, sed & a multis suorum negari. Denique subiungo Dio-
 nysii

nyſii Hierarchici ſententiam, qui non niſi ſex agnoſcit Sacramen-
ta, quorum quatuor cum fidei ſuz ſociis amplecti poteſt Schel-
ſtratus, reliqua duo, conſecrationem monaſticam, & ceremonias
in mortuos, non minus ac nos repudiare debet, ſi numerum
ſuum ſeptenarium integrum ſeruari cupit. Quoniam vero il-
lum pro vero Areopagita & aui Apoſtolici ſcriptore venditat, li-
benter perciperem, quomodo eius auctoritatem ſit declinaturus.
Scio, Allatium magno ſtudio id conatum eſſe, ſed ipſe tandem
aliter reſpondere nequit, quam Patres multas res vocare Sacra-
menta, quæ proprie Sacramenta non ſint. Quod ſi dixerit et-
iam Schelſtratus, ſimul omnia euertet, quæ hactenus pro quin-
que ſuperſuis ſuorum Sacramentis congeſſit.

Articulo II. celebrem de ſcriptis Dionyſianis controuerſiam
perſequor, & poſtquam Schelſtratio Cardinalis Bonæ nobiſcum
ſentientis exemplum commendaui, & argumenta Launoii ab
Antonio Reiſero in Libro, quo cum Veritatis Evangelicæ Con-
feſſorem monſtrauit, cum aduerſus alios, tum aduerſus ipſum
Schelſtratum deſenſa eſſe monui, & quorundam ſententiam no-
viſſime a Guilielmo Caue propugnatam, quaſi Apollinaris libro-
rum illorum auctor eſſet, in medio reliqui; ad expendendas
Schelſtratii obiectiones memet accingo. Is primo obicit Chry-
ſoſtomi Orationem de Pſeudoprophetis; ſed quia ab Albertino
eam in dubium vocari videt ob Neſtorii mentionem, locum il-
lum interpolatum & Neſtorii nomen a recentioribus additum eſ-
ſe contendit. Verum ſi quidquam valet vnanimis Codicum
conſenſus, quem tantopere vir doctus aduerſus me de Hierony-
mi loco dubitantem vrget, Neſtorii nomen ab ipſo ſermonis au-
tore eſſe oportet adſeueremus. Legitur enim in omnibus Co-
dicibus, quos vel Ducas, vel Sauilius, vel ipſe denique Schel-
ſtratus adhibuerunt; & quamuis nonnulli interpolati ſint, om-
nes tamen Neſtorium habent. Chiffetius quidem dicit, Ne-
ſtorii nullam mentionem in editione Ducasana apparere. Sed
aliud nos docet Schelſtratus, editionem illam allegans, ubi di-
ſerte *πρὸς Νεſτόρος* legitur. Nec quidquam iuuat, quod vel recen-
tiores Græci, vel Anaſtaſius Bibliothecarius cygneam Chryſo-
ſtomi canticum eſſe velint. Hic enim illos ſequitur, cæcos
plane in re Critica duces. Fortiſſima ſane argumenta ſunt, quæ
Ducas,

Ducæus, Riuetus & Dallæus ad probandam eius *roborem* congruunt, quam Cardinalis Bona & Labbeus non obscure largiuntur. Optime Vsserius Ioannem Nesteutam sive Ieiunatorem, qui labente sexto sæculo Patriarcha CPranus fuit, verum auctorem putauit, cuius coniecturam Pearsonius egregiis argumentis firmavit. Deinde Nazianzenum citat Schelstratius, qui tamen nec Dionysium nominat, nec etiamsi eum respexisse concedatur, nostram sententiam de scriptis Hierarchicis quarto demum sæculo natis infringit, vt ex Pearsonii Vindiciis patet. Tertio Athanasium & Clementem Alexandrinum vir doctus adfert, sed ex Baronii tantum & Halloixii sententia. Quod caute prudenterque fecit, quoniam inter omnes constat, Quæstiones ad Antiochum, quibus Baronius innuitur, Athanasio magno suppositas esse; nec melioris commatis est alter liber de communi essentia Patris, Filii & Spiritus Sancti, quo Halloixius fulcitur, quemque ipse postea in Origene defenso fatetur perperam S. Athanasio fuisse suppositum & erroribus scatere. Qua occasione meam sententiam de Athanasio quodam iuniore vtriusque illius scripti auctore propono. Iuniorem illum Athanasium primus detexit Lambecius, & post medium sæculum viii. scripsisse probauit, eidemque quæstiones ad Antiochum vindicauit. Cum autem maxima inter has quæstiones & librum de communi essentia occurrat similitudo, quam Riuetus, Petauius & Alexander obseruarunt, tum eundem Athanasium huius quoque scripti parentem esse statuo. Locum vero Clementis Alexandrini pro Halloixio nihil facere ostendo, quoniam is non dicit, se ibi vllius scriptoris, nedum Dionysi, vestigia sequi, sed ex suo ingenio habet. Quarto Schelstratius autumat, Dionysium Alexandrinum sæculo iii. Episcopum Scholia in Areopagita libros scripsisse. Quod tamen Turrianus & Halloixius pridem in dubium vocarunt. Ac Turriano quidem nihil reposuit Schelstratius; Halloixio autem miranti, Maximum semel tantum Dionysii Scholia citasse, respondet, eum non ex ipso Dionysio, sed ex Anastasio Sinaita, qui centum annis ante Maximum floruerit, locum illum desumisse. At Maximus Anastasio suppar fuit. Hunc enim Ann. 559. ad sedem Antiochenam euectum & Ann. 599. mortuum esse Lambecius demonstrauit; Maximus autem Ann. Dom...

Dom. 655. annum ætatis suæ 75. egit, ut ex Anastasio Bibliothecario docuit Dallæus. Collatis igitur calculis deprehendemus, Maximum annos plus minus nouendecim natum fuisse, cum Anastasius decessit. Magis Schelstratio aduersatur, quod non solum Codices *ὁδρῶν* Anastasio tributi mire variant, ut ex Lambecio aliisque probò; sed etiam libellum illum circa annum 839. diu post Anastasii mortem scriptum esse Albertinus inuictis argumentis euicit, quæ nec Labbeus, nec Oudinus improbarunt. Quare alius nobis Anastasius querendus venit, quem puto esse Anastasium Monachum, ipsius Maximi discipulum, & epistola contra Monotheletas ad Monachos Caralitanos scripta clarum. Quo posito labuntur omnes Schelstratii machinæ, cum magis verosimile sit, discipulum Anastasium a præceptore Maximo esse accepisse; saluaque manet Halloixii de Dionysii Alexandrini Commentariis dubitatio. Nos cum neque apud Schelstratium, neque apud alios certum pro Areopagiticis testimonium ex tribus primis sæculis reperiamus, ex universali hoc silentio *ὑποθέσω* eorum recte concludimus. Quod animaduertens Schelstratius ad disciplinam arcani confugit, & scripta illa a Christianis in occulto seruata vult, ne infidelibus innotescerent mysteria clare in iis descripta: & quanquam hoc effugium variis instantiis in dissertatione mea præclusum vidit, ad eas tamen infringendas nihili inueniens tantummodo dixit, Anastasium Bibliothecarium aliosque eandem rationem annotasse. Quod viro erudito excidisse miror. Nam Anastasius ille, Ambrosius Camaldulensis, Marsilius Ficinus, ac cæteri, viam plane contrariam ingrediuntur. Existimant quippe, vel a prioribus hæreticis, quod Anastasius dicit, vel a Philosophis Platonicis gentilibus, quod Ambrosius aliique volunt, occultata esse Dionysii opera, ne ad Catholicorum manus deuenirent. Id postquam Anastasii, Augustini Florentini & Matthæi Galeni verbis probatum dedi, insuper monco, posteriorem de Philosophis Platonicis opinionem, quæ Schelstratianæ ex diametro opposita est, fundari in Græco operum Areopagiticorum prologo, quem alii veterum recentiorumque Ioanni Scythopolitano, alii Maximo tribuunt. Schelstratius autem antiquorum nullum adferre potest pro sua hypothese, quæ potius Christianorum priscorum diligentæ dedecori est. Illi enim

exq̃n

exempli gratia de Angelorum ordinibus maxime solliciti scripta Areopagitica in scrinis suis tanto studio adseruata procul dubio consulissent, & si religioni sibi duxissent nomen Dionysii exprimere, saltem rem ipsam tradidissent, ac breui via suz aliorumque curiositati satisfecissent. Quorum cum nihil obseruauit, Peravius binis vicibus Lib. II. de Angelis cap. I. merito negat, Dionysii opera tum existisse cognitaque fuisse. Præterea notari dignum est, ex ipsius Schelstratii sententia Chrysostomum & Nazianzenum Dionysiana in publicis concionibus allegasse, quæ & Iuuenalis Hierosolymitanus, Andreas Casariensis, & Ioannes Scythopolitanus in scriptis suis citauit, tertius etiam commentariis illustrauit. Hi autem omnes ante sæculi quinti finem floruerunt, quo tempore adhuc in toto Oriente obtinebat disciplina arcani, quæ tamen nihil prohibere potuit, quo minus & in publicis sermonibus, & in libris Hierarchica Opera allegarentur. At si tam licitum id fuit, quidni eandem libertatem habuerint secundi tertique sæculi Doctores? Mera igitur illusio est, qua Schelstratius arcani disciplinam prætendit, Halloixium sequutus, cuius sententiam vtut non ignorauit Cardinalis Pallauicinus, ab ea tamen prudenter abstinuit, & in aduersis Christianorum primorum satis diuturnæ occultationis causam quaerit, quo sane difficultatem non tolli eruditi facile vident.

Articulo III. de Canone Illiberitano disputatione, moneoq; Schelstratii interpretationem prius non valere, quam is ex indubitatis veterum monumentis monstrauerit, Trinitatis imagines tempore illius Concilii pingi consueuiste, cum in iis inquirendis nec Petauius nec Rosweyda supra Paullinum Nolanum ascendere potuerint. Deinde Paulliniana aliæque veterum imagines a Rosweydo in Notis descriptæ plane differunt a modernis Trinitatis imaginibus, quas Schelstratius depingit. Cui sane maxime aduersatur, non solum, quod Paullinus eam in Basilica posuit, a cuius ingressu Gentiles haud prohibebantur, sed in p. iis, quod imagines Christianorum ethnicis paruisse diserte indicant Augustinus lib. I. de Consensu Euangelistarum cap. X. & Ioannes Thessalonicensis in sermone, cuius fragmentum Acta Concilii Nicæni secundi seruantur. Præterea prudentiorum hodie Pontificiorum sententia fert, tribus primis sæculis nullum aut vix ullum ima-

imaginum vsum fuisse, quæ patet ex Petauio, Alexandro, & anonymo Maimburgii aduersario, cuius eruditus libellus statim e manibus hominum subtrahendus est, notante Heideggero in Historia Papatus. Denique canonis Illiberitani rationem in pseudocritici συγκαταβάτες, non in disciplina arcani, quare idam esse adiutor, cuius auctores metuerunt idololatriam ex multis Christianorum animis nondum prorsus depositam. Huc colligit Mendoza, & cum etiam propter Catholicos simplices canonem sanctitum fateatur, disciplinam arcani plane excludit, quippe quam ad baptizatos sese non extendisse Schelstratius ipse propugnat.

Articulo IV. controuersiam de Baptismo Constantini repetam, quam non difficile est ex testimoniis pro utraque parte stantibus definire, cum nemo dubitet, scriptores genuinos & eorum preferendos esse supposititiis & iunioribus. Priori autem generi sunt, qui pro Baptismo Nicomedienensi stant, posteriori, qui Theophanum adserunt, non dissidente Papebrochio. Porro Theophanes duplex tantum argumentum ex arcani disciplina pro Romano Constantini Baptismo necit, illumque a participatione Eucharistiae & orationibus fidelium non vult excludere. Schelstratius vero tertium addit, eique præcipua Religionis Catholice arcana occultanda fuisse dicitur. Ratio huius differentie immanat, quia Theophanes optime sciuit, disciplinam arcani ad dogmata non extendi, secus quam Schelstratus autumat. Cæterum quod uterque horum incredibile existimat, ipse Imperator disertis verbis adfirmat apud Eusebium lib. iv. de vita eius cap. lxii. Quod vero solus Schelstratius negat, arcanorum dogmatum notitiam illum ut Catechumentum habere potuisse, id Lambecius lib. iv. Commentariorum adseuerat exemplo Cæsarii, Fratris Gregorii Nazianzeni, quem Billius dixerat Quæstionum volumen describere non potuisse, quia paucis duntaxat ante mortem diebus baptizatus fuerit; Lambecius autem hoc nec studio ipsius Theologico, nec scriptis Theologicis vllum præiudicium facere censet, idemque de Constantino aliisque dici potest ac debet. Quæ ex Eusebio repetit Schelstratius, a me in Dissertatione de Baptismo Constantini discussa sunt, & quamquam verba eius, αὐτὸς δὲ ὁ αὐτὸς ὁ αὐτὸς ὁ αὐτὸς ὁ αὐτὸς, ad proprium suum trahere conatur, ostendo tamen, Eusebium compara-

ne, non absolute loqui, & cum alibi, tum hoc loco comparationem instituere non tam cum Christianorum, quam Gentilium sacris, quod Valesius in Notis etiam obseruauit; imo de fiducia precum tantum agere, quam Ambrosius laudat in ipso Valentiniano, qui ante susceptum baptismum decessit. Numeriani fa-
 ctus, non solum fabulæ propius, sed a Constantini quoque mo-
 ellus plane alienum est, qui iam post visum in cælo crucis si-
 gnum religioni Christianæ addictus erat. Quod veto obicit
 Schelstratus, Constantinum ut Catechumenum Concilium inter-
 esse non potuisse; ad id Alexander bene respondit, Constantium
 quoque Antiocheno Concilio interfuisse: atqui id orthodoxum
 sui se peculiari volumine adieruit Schelstratus, & varia tam dog-
 matica quam ritualia decreta edidisse docuit. Quod igitur
 Constantio filio in vitæ quoque exitu demum baptizato concessum est, cur non & patri Constantino licuisse dicamus? Schel-
 stratus quidem ex Sulpitio Seuero probare vult, Constantium a
 Concilio Mediolanensi exclusum esse. Sed ex Athanasio &
 Theodoro liquet, in Synodo illa præcipuas partes Constantium
 tenuisse; Sulpitius vero nihil aliud innuit, quam Vrsarium &
 Valentem Constantii nomine fidei confessionem Arriano gurgite
 plenam emisisse, ut si ea populo non placeret, culpa in Constanti-
 um, tanquam adhuc Catechumenum, caderet. Porro ex O-
 ratione Constantini apud Gelasium conficio, eum tempore Con-
 cilio Nicani Catechumenum fuisse. Quis enim initiatorum ti-
 meret sibi fores ecclesiæ ocludi, quam impune ingredi potest?
 aut si denum veram fidei puritatem inuestigare diceret, quam
 nosse iunctum debebat? Præterea Acta Concilii Nicani apud
 Eusebium & Gelasium perpendentes, aliter in dogmatum, aliter
 in rituum tractatione Constantinum sese gessisse deprehendemus.
 Cum enim disciplina arcani circa dogmata non versaretur, Im-
 perator Catechumenus at in fide satis informatus ab eorum tra-
 ctatione exclusus non est; sed quia eadem Catechumenos a ri-
 tum Sacramentalium conspectu excluderat, prudentissimus Im-
 perator vniuersam ceremoniarum ordinationem Episcopis reli-
 quit, qui ipso præsentente negotium confecerunt. Hactenus igitur
 dispensarunt atque a rigore disciplinæ abstinuerunt, ne Con-
 stantium asperitate sua in rebus adiaphoris Christianismo in-
 fen-

ſenſum redderent. Quam indulgentiam Natalis Alexander lo-
bens ſateſcit, etiamſi Apoſtolicam diſciplinæ arcani antiquitatem
ſtatuit, ipſeque Schelſtratus diſciplinam illam æque & ſemper
obſervatam non fuiſſe vitro largitur. Neſcio autem, quare non
reſponderit ad exempla Conſtantii & Valentiniani a me in Diſ-
ſertatione propoſita, neque ſatiſfecerit Valellio & Alexandro, ibi-
dem citatis. Sane non ſufficit, me in eo a Valeſio diſſerre, quod
ille Conſtantinum eodem tempore, quo in extremis baptizatus
eſt, Catechumenum demum factum eſſe vult, ego autem iam ante
ea Catechumenum fuiſſe dico. Valeſius enim Catechumeni vo-
cem in ſtrictiori ſignificatu pro perfectioribus & Baptiſmi Can-
didatis accipit, uti docent omnia exempla ab eo producta, & a
Schelſtratio repetita; ego vero in latiori ſumo, pro iis, qui non-
dum competentes erant, prout ſumitur ab auctore, qui ſumma-
ria capitulum Euſebii de vita Conſtantini concinſit Lib. I. cap.
xxxii. Sufficit igitur, Valeſium in primario ſcopo mecum con-
uenire, & Euſebium a contradictione liberum adſerere, quam in
rem a me allegabatur. Sed Euſebii patrocinium Clarifſimo
Schurzſeiſchio relinquo, qui elogium eius meditaturo, ſatiſque
habeo, Papebrochii ſuffragium adferre. Et quanquam Schel-
ſtratus obijcit, Euſebium in aliis etiam erraſſe, & propriè a
Gelafio inter Apocryphos relatum eſſe; nunquam tamen adeo
perſectæ froſtris fuit Euſebius, ut res ſua ætate geſtas, & quibus
ipſe plerunque interfuit, aliter ac contigerunt, effingeret; nec
libri de vita Conſtantini, ſed Hiſtoriæ Eccleſiaſtica, non propter
Hiſtoricos, ſed dogmaticos errores in apocryphorum cenſum
coniecti ſunt. Gratis etiam dicit Schelſtratus Euſebium, a ple-
riſque Patribus receptum non fuiſſe; nam ex præcipuis quartæ
ſæculi ſæculique ſæculi nullum reperiet, qui cum Euſebio non fecerit.
Allegat quidem Athanaſium, Auguſtinum & Sulpitium Severum.
Sed Athanaſium ob comprobatam Ariminenſis Concilii epiſto-
lam cum Euſebio conſentire Lambecius optime cenſet; nec ob-
ſtat, quod in vita Antonii Conſtantinum Chriſtianum vocat: nam
eamdem appellatione ibi comprehendit filios eius, Conſtantium
& Conſtantem, quorum illum paulo ante obitum baptizatum
ex ipſius Athanaſii epiſtola de Synodis Arimini & Seleuciæ cer-
to nouimus, & de hoc idem colligimus ex eiusdem Apologia ad
Con-

Constantium. Augustinus epist. 166. de Constantini contra Donatistas edictis agit, quorum pleraque ante Syluestrum Papam Melchiade adhuc viuentē publicata esse constat: vnde consequeretur, stante Schelstratii collectione, Constantinum non a Syluestro, sed ab alio baptizatum esse, quod tamē pręcipue eius opinioni repugnaret. Eadem ratio est Sulpitii Seueri, vt in Dissertatione luculenter monstrauit. Certe ex nudo Christiani nomine confici nequit, aliquem baptismo initiatum esse, quod in Oriente Catechumenis datum esse Schelstratius faretur, & ex Concilio Cſtano i. probat, egoque ex Athanasio, Nazianzeno, & Socrate amplius confirmo. Frustra etiam recentiorum Gręcorum & Latinorum pro Baptismo Constantini Romano testimonia reponit, quos & numero & auctoritate superant quadringenti & pulchri Concilii Ariminensi Patres, vt de Eusebio, Socrate, aliisque nihil dicam, qui omnes vnanimi consensu vnicum Constantini baptismum Nicomedię in fine vitę susceptum adserunt & consensunt.

Articulo V. disquiro, num Schelstratius pro perpetuo azymorum apud Latinos vsu contra decreta Melchiadis, Siricii & Innocentii, fermentum nominantium, recte quęsiuerit pręsidium ex disciplina arcani, propter quam eucharistia licet azymo constans, fermenti tamen nomine apud fideles vulgo venerit? Ac negatiuam sententiam amplector, quia Theodoretus tantis non opus habuisset ambagibus in describendo pane, nec Augustinus *Sacramentum fidelium a tritico* dixisset, si unico fermenti vocabulo illum occulte significare potuisset. Deinde nullus Apostolorum, Petrumue antiquiorum tantę mysteria in fermenti voce quęsiuit, quanta Schelstratius cum Simonido eruere conatur; imo fermenti nomen semper in malam partem Christus & Apostoli usurparunt, & Paullus rationem unionis mysticę non ex fermento sed ex unitate panis desumfit i. Cor. x. Pręterea obstat Schelstratio, quod sublata arcani disciplina fermenti appellatio diu manserit, ut patet ex Calendario Frontonis, ab hisque euangeliorum capitularibus, ad diem Sabbati ante Dominicam Palmarum, quam hodie vocamus. Quid autem prisce eo nomine intellexerint, Mabillonius tom. IV. Analectorum p. 60. 61. ex veteri glossa docuit, cuius auctor quoniam idem cum i. acinio sentire videtur, Cardinalis Bonę censuram adducit, eundemq; allego Antonii Augustini opinionem contradicentem, quę res ipsa cum Schelstratiana congruit, quanquam diuersam appellationis originem tradit. Denique nullum vel testimonium indubitatum, vel

exemplum proferre potest Schellstratius, quo adfersioni suæ fidem iaciat. Nam ex Melchiadis, Siricii ac Innocentii decretis nulla ei extorqueri potest panem eucharistiæ propter gentiles fermenti deo minime accepisse. Nec fermenti in Tharsica exemplo vlla occurrit mentio, qui eucharisticum panem ex præscripto discipline arcanae communi-
bus iure meritoque occultauit.

Articulus VI. non aduersum nos, sed Reformatos docet Schellstratius, quos tamen ex principiis minime concessis impugnat, quando de sua de disciplina arcana disputat hypothetici, quæ Reformati non amittuntur. Præterea non animadvertit, plerumque Patrum loca ab Augustino obiecta ex eiusmodi scriptis desumpta esse, quæ nec Catholico-
rum aut infidelium causâ scribebantur, nec in manus eorum deueniebant. Certe talia sunt, quæ ex Dionysio Areopagita, Tertulliano, Cypriano, Cyrillo utroque, Epiphania aliisque sibi vindicatis tam in Schellstratius. Cum autem videri nolit disciplinam arcana ad fideles extendere, aliam sane causam obscuritatis in scriptis Patrum microscopice querat oportet, quæ nulla alia est, quam accuratior in docendo methodus, quæ
qua supra diximus.

Articulus VII. opto, ut Schellstratius producat vetus testimonium, quo nomen transsubstantiationis Lombardo antiquius esse fidem habet, Mabillonius quidem magnam spem ponit in vocabulo *transsubstantiationis*, sed formalem conversionem diserte negat Papilius, cuius apex Hildebrandus. Doctrinam vero ipsam quod attinet, anonymi cuiusdam præfationem historicam determinationi Ioannis Parisensis superiori anno Londini editæ præfixam laudo, qui plurimis argumentis nouitatem transsubstantiationis probat, luculenterque euincit, eam pro dogmate fidei nec ante nec post Tridentinum Concilium apud ipsos Pontificios habitam fuisse. Qua igitur conscientia primis Ecclesiæ sæculis transsubstantiationem pro dogmate Eucharistiæ agnitam fuisse Schellstratius nobis persuadere conatur? Fluctuasse quoque ipsum patet ex contrariis adfersionibus. Nam aduersus Reformatos disputans ait Patres ex disciplina arcana sæpius veritatem eucharistiæ sub figuræ, imaginis, similibusque nominibus occultasse, ac proinde Dionysium Areopagitam præsentiam realem verbis obscurioribus explicasse. Nos autem aggressus Patres in epistolis ac operibus baptizatorum causâ scriptis, & in sermonibus ad eosdem habitis, (de quibus etiam supra loquitur) clare de Eucharistiæ veritate loquutos esse statuit, Dionysiumque iis accensum
clare

clare loquuti sint de horum mysteriorum veritate. Præterea cum suis com-
 mune habet, ut Patrum de reali præsentia testimonia ad transubstantia-
 tionem abrotto collo trahat. Talia enim esse, quæ ex Gaudentio & Cy-
 rillo attulit, manifestum reddo. Posthæc dictum Schellstrati, Patres in
 epistolis adfideles baptizatos transubstantiationem expressisse, refello ex
 epistola Chrysostomi ad Calarium Monachum, cujus *γυνώμη* adversus
 Alexandrum defendendo, & cum a Moynio in Variis Sacris, nuperrimeque ex
 ipsa Bigottæ editione per Parisienses Theologos male suppressa a Iaco-
 bo Basnage in lucem publicam adserta sit, tum eiusdem Alexandri frustra-
 neas pro locis suis vindicias fuisse ostendo, nobileque Chrysostomi con-
 traintubstantiationem sufragium ea contentum vindico, subilicioque
 ex Abbatis Egeri epistola, Petrum de Marca statuisse, quod Patres usque
 ad Chrysostomum crediderint, panem post consecrationem naturam
 suam non amittere. In aliis autem scriptis, quæ ad non-initiatorum
 manus peruentura credebantur, ritus quidem symbolaque Eucharistiæ
 siluerunt Patres, dogma autem disertis verbis expresserunt, quod mani-
 festum est ex secundo Theodoretæ Dialogo, qui de pane & vino propter
ἀμύγης obscurissime loquutus paullo post doctrinam Sacramenti ex-
 celis transubstantiatione tam clare aperteque exponit, ut multi Pontifi-
 ciorum libere fateantur, quod res est, Theodoretum hac in parte Lu-
 theranum esse. Desinat itaque Schellstrati ex disciplina arcani aduer-
 sum nos argumentari, qui ut libenter largimur, obscura Patrum loca
 præsentia reali nihil offere, quanquam ista obscuritas non ex arcani
 disciplina, sed ex accuratiori docendi methodo proficiscitur; ita cum is-
 sponte concedat, symbola Eucharistiæ ex præscripto disciplinæ arcani
 occultari debuisse, fateatur etiam oportet, Patrum testimonia, in quibus
 diserta panis & vini mentio fit, disciplinam illam plane excludere, nec
 obscura sed aperta esse. Alioquin si in opinione sua persistet, ac trans-
 substantiationem tanquam dogma magis arcanum per disciplinam arca-
 ni occultari debuisset amplius contenderet, veterem Ecclesiam tacite Va-
 lentiniani accusabit, quæ alia in abscondito alia in aperto docuisse, ex I-
 renæo supra voluit. Quis enim dubitet, te alia in aperto docere, quan-
 do cum Theodoretæ in præsentia non-initiatorum symbola post sanctifi-
 cationem in sua natura & substantia manere profiteris; alia vero in ab-
 scondito, quando panem & vinum in substantia sua non manere, sed in
 aliam, corporis & sanguinis Christi, mutari, coram solis initiatis cum
 modernis Pontificiis statuis?

Articulo VII. & ultimo cum Schelstratius dicat, Eucharistia exponenda & circumferenda morem in pijsca Ecclesia propter gentium irrationem locum non habuisse; tum mirari subit, quamobrem Iesuitae ceteri missionarii, qui tanto cum strepitu antiquitatis obleruatores audire volunt, illam veterum prudentiam apud Sinas Iapones, aliosque gentes non imitentur, sed recentioris potius Romanae Ecclesiae morem pompaeque in exponenda & circumferenda hostia teneant. Certe in istis angustis in verba: peruersa nempe modernorum Latinorum opinio de transubstantiatione & cultu adorationis pani consecrato extra usum a Christo institutum deferendo quae omnia purior antiquitas ignorauit. Schelstratius quidem negat, Ecclesiam cum ritu dogma mutasse. Gorgonia historiam Cyrilli praeceptum obiciens, quorum tamen illa non panem, sed Christum, qui super altari honoratur, merito adorauit & ab eo sanitatem petiit; hic autem in actu celebrandi ad bibendum calicem magna reverentia accedendum esse nobis nec inuiti nec repugnantibus praescripsit.

Habes, FIR CLARISSIME, sciagraphiam ac breuiarium libelli aduersus Schelstratium a me compositi, qui num publica luce dignus sit, tu cum aliis eruditis optime indicabis. Ego autem Apellis post tabulam latens monita vestra lubentissime excipiam, & quae corrigenda aut exornanda censebitis, promptissime emendabo. Vale. Per scriptum G. G. Thuringorum exeunte mense Septembri A. MDCC LXXVII.









